



22

~~9~~  
4



63197/.3

R - 7

11  
C. 42

DDg4

The Library of the  
Wellcome Institute for  
the History of Medicine

MEDICAL SOCIETY  
OF  
LONDON  
DEPOSIT

Accession Number

Press Mark

T8



JOANNIS ANTONII  
SCOPOLI

Philosoph. & Med. Doctor. S.R.I.  
& C.M. Montanæ Civitatis  
Idriæ Physici

DE HYDRARGYRO  
IDRIENSI  
TENTAMINA

*Physico-Chymico-Medica*

- I. DE MINERA HYDRARGYRI.
- II. DE VITRIOLO IDRIENSI.
- III. DE MORBIS FOSSORUM HYDRARGYRI.



VENETIIS,  
EX TYPOGRAPHIA RADICIANA:  
MDCCLXI.

~~~~~  
SUPERIORUM PERMISSU.

THE UNIVERSITY OF CHICAGO

LIBRARY

1877-1878

Vol. 1

1877-1878


1877-1878

1877-1878

1877-1878

1877-1878

1877-1878



1877-1878

1877-1878

1877-1878

1877-1878

1877-1878

PATRI SUO DILECTISSIMO  
FRANCISCO ANTONIO  
SCOPOLI  
JURIS UTRIVSQUE DOCTORI  
ET PRO  
S. R. I. PRINCIPE ET EPISCOPO  
TRIDENTINO  
LOCUMTENENTI ET COMMISSARIO  
MILITARI  
VALLIS FLEMMARUM  
*OPUSCULUM*  
HOC  
TENTAMINA SUA  
PHYSICO-CHYMICO-MEDICA  
CONTINENS  
D. D. D.

JOANNES FILIUS



Nulla est ex omnibus Scientiis, quæ humana mente dignior sit, ipsamque ad Infiniti & Summi Entis potentiam cognoscendam magis adducat, quam Philosophia Naturalis; & rursus quæ majorem animo delectationem, vitæque utilitatem, ac eruditioni perfectionem addat atque conciliet, quam exquisita operum DEI, quæ in rebus corporeis apparent, notitia. F. HOFFMAN.  
*In Prefat. ad Demonstrat. Physic. Curios.*



## LECTORI BENEVOLO.



*Auca sunt, facilia, & Historia Naturalis incremento dicata experimenta, quæ tuis oculis subjicio, Lector optime. Hæsi diu quidem, num evulgarem, probe gnarus, longe alia & operosiora ab illis desiderari, qui, in hoc tot tantisque inventis illuminato sæculo, Chymica tractant. Vicit tamen verecundiam innocens voluptas illa enarrandi, quæ, has Hydrargyri Fodinas sæpe adeuntes, sollicitè quærent. Ac utinam, Na-*



tura rerum cupidi , suarum quo-  
que Provinciarum thesauros rerum  
naturalium , sedulo quærerent &  
evulgarent ; nonne culmen perfe-  
ctionis ita facile attingeret Philoso-  
phia Naturalis ? Postulat sane of-  
ficiū boni Civis , ut nullum fu-  
giat laborem , quo illa innotescant ,  
unde Principum utilitas , commer-  
cii copia , indeque nata Generis Hu-  
mani commoda præcipue petuntur .  
Sed & notio Divinitatis , ejusque  
omnium rerum Opifex adoranda  
Sapientia , ex ipsa rerum creatu-  
rum scientia & inquisitione dima-  
nat . Habet enim DEUS Testi-  
monium , inquit TERTULLIA-  
NUS , totum hoc , quod sumus ,  
& in quo sumus : sumus autem  
in hoc mundo tanquam hospites  
introduciti , ut ea videamus , iisque  
utamur abunde , quæ , Architecti  
mens



mens immensa, in nostram utilitatem, valde bona creavit. Hæc ratio me movit, ut, descriptis Carniolæ plantis, in lapidum naturam, qui in Fodinis Idriensibus passim occurrunt, pro viribus inquirerem, & causas curationesque morborum gentis hujus, fidelibus experimentis inventas, publici juris facerem. Utinam datum fuisset par voluntati otium, nec plura experiri cupientem curæ inutiles retinuissent. Ego enim idem de meis scriptis vere dicere possum, quod olim de sua Chymia magnus BOERRHAVIUS: Ah quoties inter hæc felices prædicavi Scriptores, qui otio abundant ad excogitandum, digerendum, perpoliendum, quod meditantur, opus! Ego millenas passus interpellationes abrupte hæc conscri-

psi, longe alia daturus, si quæ-  
situm secessum haberem, & o-  
tia. Non tamen pœnitet eorum,  
quæ hætenus institui, cum saltem  
ansam dabunt Posteris, ut sup-  
pleant hiatus, aut deligant verio-  
ra; sicque utilissimum Naturalis  
Scientia studium majora capiat  
incrementa.





# TENTAMEN PRIMUM

D E

## MINERA HYDRARGYRI.



*Ab*solutam *Fodinarum Idriensium* historiam tradere, Instituti nostri ratio minime postulat, sed unice proponere visum est observationes aliquas circa analysim, viresque rerum præcipuarum, quas eadem Fodinæ diviti finu foveant. Novi quidem claros, hac desuper, scripsisse Viros, sed fecit raritas hujus mineræ, ut verum ejus examen hucusque latuerit, cujus tamen notitia Lithologiæ Cultoribus non solum utilis, sed

sed etiam necessaria est. Mira quoque, & vana plurima, de minera Hydrargyri, in libris tradita reperiuntur, quibus credere non potui, priusquam nactus occasionem, in eorum veritatem, propriis observationibus diligentius inquirerem. Ille enim, in Naturali Philosophia, procedendi modus præstantissimus mihi videtur, quo, sine ulla hypothese, & fallaci auxilio librorum, rerum proprietates propriis oculis ita quærentur, ac si de illis nemo hominum scripsisset unquam. Casta hæc veri certique in Physicis comparandi norma, nulla errorum caligine obnubilat intellectum, quorum mater inanis est, fidesque experimentis destituta speculatio; pater autem, assensus præceps Viris illis, quorum authoritas obcæcat oculos, ligatque manus, ne ipsi videre, & experiri conemur illa, quæ in eorum scriptis tradita reperiuntur. Eruenda est itaque veri-

tas



tas propriis oculis, qui soli vera docent, Scriptorum errores detegunt, Naturam explanant. Antequam autem de præcipuis lapidibus *Fodinarum Idriensium* verba faciam, pauca quædam de eorum locis natalibus breviter annotare, necessarium esse duxi.

*Idria*, aliis *Hydria*, a Græca forte voce Ἰδρις, seu fluvio ejusdem nominis, vel a multis, uberrimisque fontibus ibidem scaturientibus, nomen adepta, est Civitas mineralis in gradu 45. posita, cui ad solis ortum adsidet pars illa *Carniolia*, quæ *Godoillizium* & *Hipperlabacum* continet; ad meridiem, & solis occasum *Comitatus Gorizienfis*; ad septentrionem *Jurisdictio Tolminensis*, & pars aliqua superioris *Carniolie* reperitur. Ambiunt eam undique colles herbidi, & abietinæ sylvæ, & quidem versus occidentem *Nicovæ rivus*, *idriam* præterfluens, & mire sæpe intumescens

mescens, suam originem habet, ad Septentrionem inferior *Idria* reperitur, cum finitimis montibus, ad Orientem vero situs est Mons *Vogelberg*, cujus sylvestre jugum per varios vallium sinus vicinis montibus passim unitur, dum ejus ima pars, septentrionem & orientem versus dilatata, in tres herbidos colles, totidem præcipuis vallibus interceptos, pulchre dividitur. Nulla vero *Idriense* solum ornat frugibus læta planities, sed undique erecti montes, sterilesque colles *Idriam*, ima valle sepultam, ambiunt.

Attamen quo minus aratro insueti montes *Cereris* læta dona ministrant, tanto magis *Vulcano* amica eorum viscera, inæstimabili thesauro mineræ mercurialis, singulari Naturæ beneficio, superbiunt. Inter hos eminet, medius ille collis prædicti montis, ex quo ultra  
ter-



tercentæ mille libræ , purissimi hydrar-  
gyri , quovis anno eruuntur . Superficies  
ejus arida, Quercubus, Genistis, Arnica,  
aliisque sterilium locorum cupidis consita  
plantis , constat humo vegetabili pauca ,  
& terra martiali plurima , rubra, bolari,  
cui rupes calcariae subjacent , hisque stra-  
ta cretacea varia, distincta & passim in-  
strata schisto molli, nigro, friabili, quod  
optimum venæ metallicæ incipientis si-  
gnum constituit. Ingressus Fodinæ duplex;  
distantia, inter utrumque, passuum 293,  
linea recta; descensus per scalas sex, gra-  
dusque lapideos 417, quarum situs est ta-  
lis, ut cathetus passus habeat 45.5, hypo-  
thenusa 79.2.7, basis 25; perpendicularis  
ducta ab antro *Divæ Barbaræ* est pass. 111;  
latitudo summa fodinarum pass. 236; lon-  
gitudinis 316; divisio ab eodem antro, in  
campos, seu plana quinque; distantia pla-  
ni primi ab ultimo, pass. 59; directio ve-  
næ

næ metallicæ meridiana, hora decima signata ab acu magnetica ; latitudo ejusdem ab uno pede, ad binos passus excurrens; longitudo summa hætenus observata passuum fere 40. Partem jacentem, pendentemque facit ut plurimum lapis calcarius, unitus terræ argillacæ, bituminosæ, nigræ.

Inter ea plana, plurimis in locis, varie excavata viscera montis, scatent fluido semimetallo, *Hydrargyro* videlicet, modo petra vestito, modo vero nudo, purissimoque. Primum voco *petrosum*, aliud vero *nudum*. *Hydrargyri* petrosi præcipuæ varietates, sunt hæ, quæ sequuntur.

I. *Hydrargyrum petrosum homogeneum, coloris hepatici*

*Gediegen Erz.*

Centumpondium, habet Hydrargyri lib. 75  
Unciæ sex pulverisatæ mineræ, requisito igne, in retorta vitrea, tractatæ, de-



derunt, 1. Mercurii vivi unciam unam, drachmas quinque, & grana quatuordecim. 2. Cinnaberis drachmas tres, & grana triginta. 3. Capitis mortui, sicci, nigerrimi, pulverulenti, unciam unam, & drachmas duas. Perierunt itaque de tota massa, uncia binæ, drachmæ quinque, & grana quadraginta. Cinnaberis hæc, cum limatura ferri, summo igne, reducta, dedit Hydrargyri drachmas binas, & grana quinquaginta, hinc veri sulphuris erant grana quadraginta. Caput mortuum, igne tostum, de drachmis senis unam amisit, cum odore fœtido, sulphureo, acri; Vapor hic cupream laminam albis floribus minime inquinat. Idem caput mortuum, cum oleo tartari per deliquium haudquaquam mutatur, cum spiritu vitrioli leniter effervescebat, ex affuso vero spiritu nitri fit ingens ebullitio, cum summo calore,  
den-

denso, rubro, & uberrimo fumo. Latet itaque in hoc residuo principium inflammabile, quod color, odor, & nitri detonatio demonstrat; nec non terra bolaris, ab acido vitriolico, ignis efficacia, alcalinam naturam adepta.

II. *Hydrargyrum petrosum homogeneum micaceum rubrum.*

*Gediegen Erz in Rothstein.*

Centumpondium pulverisatæ mineræ, menstruo nigro tractatum, dedit 1. Hydrargyri purissimi lib. 77. absque foetido odore. 2. residuum atrum, spongiosum, subcompactum, & aquam viridi colore tingens. 3. substantiam roseam, porosam, lævem, retortæ fundo firmiter adcretam, cum spiritu Vitrioli & liquore nitri fixi, minime effervescentem, bene vero cum spiritu nitri. Ebullitio hæc valde calida, & cum albido fumo, ubi evanuerit, relinquit liquorem turbidum,



dum, album, cum supernatante pulvere flavo, & maculis cæruleis in vitro passim apparentibus. Sic acidum sulphuris ab oleosa tartari substantia penitus involutum, atque irretitum, foetorem nullum spargit. Pars ejus inflammabilis, terreo mineræ principio unita, colorem atrum, in residuo, produxit. Acidum vitrioli dilutum, & alcali fixum uniri nequeunt terræ alcalinæ, indeque pellere latentem salis spiritum, prout facit acidum nitri, unde ebullitio, fumus albus.

III. *Hydrargyrum petrosum homogeneum friabile splendens coloris hepatici.*

*Gediegen Erz in Mildzeig.*

Centumpondium cum calce viva tractatum, dedit 1. Hydrargyri lib.  $76\frac{1}{2}$ . 2. residuum cinereum, vix cohærens, cum aqua non effervescent, cum spiritu nitri mire & valide fremens, qua absoluta

B

ebul-

ebullitione mutatur in pulvem plumbei coloris, quæ aqua diluta, cum oleo tartari per deliquium valide effervescebat, nistri spicula regenerantur, in fundo vero subsidet alba, floccosa materies.

IV. *Hydrargyrum petrosum homogeneum lamellatum splendens friabile nigrum.*

*Gediegen Erz, in Schwarzen Schiefer.*

Centumpondium continet Hydrargyri lib. 36.

Minera nostra quo nigrior, eo vilior esse solet. Ergo terra est peregrina, non metallica, qualis igne chymico, aut simplici concussu, nascitur ex hydrargyro puro, observante BOERHAAVIO.

V. *Hydrargyrum petrosum homogeneum subrubrum, argenteo nitore.*

*Gediegen Erz, mit Jungfrau Silber Zart neu geschrenket.*

Cen-



Centumpondium, continet, Hydrargyri  
lib. 64.

Differt a Varietate prima, colore magis saturato, externa superficie polline sulphureo sæpius adsperfa, substantia vero micis argenteis ubique nitente.

VI. *Hydrargyrum petrosum homogeneous plumbei fere coloris.*

*Recht gediegen Erz.*

Centumpondium continet hydrargyri  
lib.  $72\frac{1}{4}$ .

A priore diversum est defectu interni nitoris, externi pollinis, plumbeo quasi colore.

VII. *Hydrargyrum petrosum homogeneous friabile nigrum, tuberculis subrotundis foliaceis nitidis exasperatum.*

*Rorollen Erz.*

Centumpondium habet hydrargyri  
lib.  $\frac{3}{4}$ .

B 2

Lapis

Lapis est levis, anthracinus, fragilis, particulis argillaceis, & modico sulphure constans.

Quæ sequuntur Varietates, fiunt partibus heterogeneis & dissimilibus.

VI I. *Hydrargyrum petrosum, lamellis cinnabarinis & hydrargyro nudo variegatum.*

*Gediegen Erz mit Zinnober Blaken, und Quecksilber eingesprenkt.*

Centumpondium, cum conchis calcinatis, dedit 1. aquæ limpidaë, inodoraë, guttas quatuor. 2. Hydrargyri lib. 50, una cum paucis ejusdem aquæ guttis. 3. residuum pulverulentum, fusco-cinereum.

IX. *Hydrargyrum petrosum album, cinnaberi rudiore variegatum.*

*Weiſ Buch Erz mit Zinnober.*

Centumpondium continet hydrargyri lib. 3.

Lapis

Lapis est albus, marmoreæ soliditatis, constans marga argillacea, spato, & terra calcaria, intime mixtis; una cum cinnaberi nativa, granulata, rudi, passim interspersa.

X. *Hydrargyrum petrosum pyritosum album, hydrargyro nudo adpersum.*

*Jungfrau Silber in Wasser Kieſs.*

Centumpondium, cum testis ovorum calcinatis, commixtum, dedit, 1. aquæ limpidæ guttas 15, dein olei ruffi, supernatantis, guttas 7. 2. hydrargyri eidem oleo immixti lib. fere 22. 3. aquæ prioris guttas iterum 14. 4. residuum siccum, fusco-cinereum. Aqua prædicta, ab affuso spiritu nitri, loturæ carnis colorem, a liquore vero nitri fixi, viridem, obtinuit. Mirum videri posset, lapidem adeo ponderosum, hydrargyro adeo inopem esse. Hinc hydrargyrum



in pyrite nullum, sed unice adspersum :  
Hinc Pyrites non matrix, sed comes  
hydrargyri.

Cæteras varietates omitto, quæ ad has  
commode reduci possunt.

Gravitas specifica harum minerarum,  
indeque per proportionem eductus va-  
lor intrinsecus, propriis, & amicissimi  
doctissimique Viri *P. Nicolai* PODA, *e*  
*Soc. Jesu*, in Universitate Græcensi, Ma-  
theseos Professoris, observationibus, &  
calculis accuratissimis, bilance non illa,  
qua usus est HENCKELIUS, sed quam ha-  
bet Cl. GRAVESANDE, nec non aqua ni-  
vali, & loco temperate calido factis,  
diligentissime inventa, sequenti Tabula  
designatur.

Va-

# HYDRARGYRI. 23

|              |    |      |      |          |
|--------------|----|------|------|----------|
| Varietas. I. | ut | 8134 | 1000 | lib. 60. |
| II.          |    | 3806 | 1000 | 28.      |
| III.         |    | 5393 | 1000 | 40.      |
| IV.          |    | 3785 | 1000 | 30.      |
| V.           |    | 6652 | 1000 | 59. 7 8  |
| VI.          |    | 7000 | 1000 | 63. 1 4  |
| VII.         |    | 2348 | 1000 | 10.      |
| VIII.        |    | 2461 | 1000 | 12.      |
| IX.          |    | 2800 | 1000 | 16.      |
| X.           |    | 3989 | 1000 | 35. una  |

cum ferr.

Qui calculus Docymastico examini proxime accedit.

Ex his mineris unum natura prodit Hydrargyrum, quod tamen ratione modi, quo acquiritur, triplex dici posset, nempe *Profluens*, *Extractum*, *Expulsum*. Primum intra fodinas, in lapidum fissuris, aut cavitatibus, sensim colligitur, & dato exitu, parva quidem copia simul, sed sæpe adeo assiduo extillat, ut intra octi-

B 4 duum,



duum, octoginta quoque libræ collectæ fuerint. Secundum educitur e minera vi- liore trita, & aquæ beneficio, ab inutili terra, & peregrinis fordibus liberata. Tertium vero est illud, quod per ad- scensum, in fornacibus, ex minera ele- cta, igne valido expellitur, eodem fere modo, ac in *Almada Hispania*, absque ferri dispendio, aut calcis additione, sed solo lapide, ignis efficacia, in calcem usto, sicque sulphur absorbente, quo vinculo soluto, hydrargyrum in furno elevatur, cujus ima pars, craterem fo- vens, retortæ fundum; superior retortas terreas gerens, collum; camera vero e retortis exstillans, colligens hydrargy- rum, excipulum æmulatur. Quomodoli- bet autem obtentum fuerit hydrargyrum si probe depuretur, idem semper & u- num est, eademque specifica gravitate dona-



donatum, nempe ad aquam se habet, ut 13. 509 :: 1000, quæ proportio diversa est ab illa, quam tradidit VVALLERIIUS  $\frac{30}{100}$ . Quid ergo volunt illi, qui nuda manu minime tactum, intra fodinas, procul ab aeris externi afflatu, facis coriaceis probe inclusum, colligunt hydrargyrum? cur non simili modo jubent colligi fontanas aquas, intra viscera terræ, antequam in ejus superficiem læto gurgite erumpant? Misereor ego phantasiæ devotis hisce filiis adeptorum, qui oleum operamque rebus impendunt inutilibus.

Cum vero purissimo huic Semimetallo a Natura datum fuerit, *mille sub specierum simulacris stultos ludere*, utor verbis Celeberr. BOERHAAVII, *atque jocosas perpetuo, novasque semper induere figuras*, ita non mirum est, si in intimis quoque terræ

ræ recessibus, diversimode larvatum appareat. Nulla tamen veste frequentius ibidem induitur, quam concreto illo fossili terreo-salino, ex acido vitriolico, & terra phlogistica facto, sulphure videlicet, ex cujus unione, mixtum illud metallicum, rubrum ponderosum efficitur, quod *Cinnaberis nativa* vocatur. Hæc vero non una eademque forma in his fodinis occurrit; modo enim *lamellata*, modo *granulata*, modo denique *crystallisata* se prodit. Cinnaberis nativa lamellata constat laminis tenuissimis, vitreæ fere fragilitatis, coloris rutilantis, nitoris elegantissimi, quarum magnitudo tres lineas geometricas rarissime excedit. Inhaeret hæc 1. spato vitrescenti lamellato, rhomboidali; 2. Hydrargyro VIII. 3. lapidi calcario. Textura lamellata, particulis aqueis uberioribus præcipue debetur,



betur, ac forte etiam loci angustiae, in quo ejusmodi generatio primo peracta fuit. Color vividus, a majori copia sulphuris unice provenit, & arcto loci carcere, ut docet Sandarachæ color ruber, a fusione Auripigmenti, in obturato vase, productus. Cinnaberis granulata obscurior, splendoris expers, fit sulphure pauco, & particulis heterogeneis argillaceis inquinato. Hæc, e lapidis superficie, ad lineam unam, raroque binas, excrescens, friabilis, spongiosa, rara, variosque gyros & spiras efformans, reperitur, 1. in lapidum fissuris, margæ argillaceæ, & spato passim immixta; 2. in spato crystallino, dodecaedro; 3. in parte jacente, & pendente venæ metallicæ, omine infausto 4. in pyrite amorpho, luteo, scintillante; 5. in Hydrargyro IX. Sive vero lamellata, sive etiam



iam granulata Cinnaberis nativa se prodat , nunquam copiosa , seu in massas grandiores coagmentata reperitur , sed parca copia semper , dictisque lapidibus superficialiter unice adhærens , qui modus nascendi , a nostris , aptissimo nomine, *anflung*, solet denotari. Cinnaberis ultima species , quam voco crySTALLI-  
fatam, constat crySTALLIS sessilibus, rubini colore, arcani duplicati facie, aggregatis, solidis, pellucidisque. Ejusmodi plures microscopio subjectæ, apparent modo pyramides quadrangulares , modo prismata tetragona , sæpius vero polyedra irregularia, & inæqualia repræsentant. Solo fere colore, & magnitudine, differunt a crySTALLIS spatosis, rhomboidalibus, vitreis, de quibus paulo inferius agetur. Constant particulis lapidosis, homogeneis, in acido primigenio

nio

nio solutis, aqua dilutis, occurſu pinguis inflammabilis, ex eadem præcipitatis, & appulſu continuo lapideæ ſubſtantiæ ſenſim auctis & condenſatis, quarum rubedo, a ſulphureis, aliisque exhalationibus duntaxat proficiſcitur, exemplo Cryſtalli montanæ, quæ arſenici, & antimonii fumis, penetrata, rubrum colorem induit. Eadem eſt origo colorum in gemmis, aliisque cryſtallis, quæ e terræ viſceribus, non raro, eruuntur. Frequens harum Cryſtallorum proventus eſt in *locis Svvietenianis & Haubtmannianis*, fodinarum noſtrarum, unde optima quoque minera hodiedum elicitur, ad profunditatem paſſum 102. Loca hæc, dum attentis luſtrarem oculis, vidi fiſſuras mineræ, & inania hinc inde ſpatia, cryſtallis hiſce rubiniformoribus ubique nittentia, evidenti paraſiticæ earum indolis

Ex



Ex his apparet, quousque iis credere debeamus, qui Cinnaberim nativam, in usus Medicos, adeo faciel ducunt, mirisque laudibus efferunt. Ego sane eam haëtenus adhibui nunquam, nec, ut ab aliis adhibeatur, author ero. Anceps utique; periculosa, & a foro conscientiae vetita res est, dubiis uti remediis, imortalibus, de quorum noxia indole jure merito dubitandum est. Quis novit naturam rerum illarum, ex quarum concursu, in terrae visceribus, Cinnaberis nativa consurgit? Novimus ecquidem, ex sulphure & mercurio, debita copia junctis, facticiam confici, sed an simili enchiresi, ex binis hisce solis, nativa oriatur, omnino ignoramus. Interim scimus; mineras saturate rubras, dira labe arsenicali plerumque infectas esse, ut docet argentum rude rubrum, seu minera Cinnaberis, Fodina-



dinarum *Schemnizensium*; concretum illud coccineum, lamellatum, lucidum, mineris ferri *Styriae* interdum adcrefcens; Sandarachæ rubedo; rubinus arfenicalis; arfenicum rubrum; aliaque fimilia. Examinent itaque Medici Cinnaberim nativam, priusquam ea utantur, vel, illa neglecta, facticiam ufurpent.

Neque aliud eft *Minium* antiquorum, quam Cinnaberis nativa, de qua, in *Ibieria*, & *Colchide* nata, meminere THEOPHRASTUS, DIOSCORIDES, & inde PLINIUS. Elegantiffimo hoc colore veteres Deorum simulacra, & ipfi Romani duces, in triumphis, fuas facies illiniebant, ut ideo a PLINIO, inter pigmenta magnæ authoritatis, relatus fuerit. Eodem colore cera olim tingebatur, corrigendis locis idonea, de qua, in *Epiftolis Familiaribus*, bis meminit

CICERO . Quod vero nostra Cinnaberis sit *minium* Antiquorum , vel inde patet , quod TEOPHRASTUS nativum *minium* valde durum & faxeum, DIOSCORIDES , e lapide quodam , in Hispania , productum, VITRUVIUS autem glebam metallicam , rubro polline, & Hydrargyri nudi globulis , seu , ut ille vocat, lachrymis, adspersum esse dixerint, quæ notæ omnino conveniunt *Hydrargyro sulphure mineralisato : minera rubra . VVALLERII* , quod LINNÆUS in *Syst. Nat.* vocat *Hydrargyrum rubrum pyriticosum* , male tamen, cum martiali principio omnino careat , sine quo , teste HENCKELIO , nullus pyrites esse potest.

Ex dictis hucusque constat, Mineræ nostræ principia constitutiva tria esse potissimum , nempe

I. *Hydrargyrum.*

Mi-



Mirabile hoc Naturæ productum, particulis metallicis, cum principio mercurificante, & inflammabili pauco, in unum mixtum aqueo terreum debito modo junctis, constare docent *Viri Clarissimi* BECHERUS, STHALIUS, NEUMANNUS, & alii. Verumtamen terra prima vitrescibilis, & secunda inflammabilis, minus vero tertia, in his Fodinis reperi-  
tur, ut patet ex maxima salis acidi copia, in terris bolaribus, lapidibus calcariis, & concretis bituminosis, ubique latentis, ex defectu partium metallicarum ex absentia salis communis. Hæc, & alia nos admonent, nimium infirmas esse nostras facultates, quoties ultra metam, a CREATORE positam, temere excurrentes, de rerum principiis disputamus. *Tutius ergo inhibetur præcepto conclusio, experimentis creditur.* BOERHAAVIUS.



11. *Sulphur.*

Mixtum hoc ex acido primigenio inflammabili inesse mineræ nostræ, docent 1. Color plerumque ruber. 2. Cinnaberis nativa. 3. Cinnaberis facticia, ex omni minera sola, parabilis. 4. Flamma cærulea ustulatæ mineræ. 5. Odor acutus. 6. Antimonii regeneratio e reductione Cinnaberis, ope reguli.

Proportio diversa est, ratione mineræ plus minus rubicundæ. Hanc ut invenirem, indidi retortæ vitreæ centumpondia quinquaginta mineræ optimæ triatæ, ablutæ, siccæ, & probe depuratæ; indeque, igne debito, obtinui; 1. Aquæ limpidæ guttas sexdecim. 2. Hydrargyri nudi centumpondia septem, & libras viginti. 3. Cinnaberis centumpondia quindecim, & libras triginta octo. 4. Pulveris atrii in rostro, collo, & ventre retortæ.

tortæ , centumpondium unum , & libras octoginta. 5. Residui insipidi , nigri , siccissimi , centumpondia undecim , & libras septuaginta . Cinnaberis prædictæ centumpondia quatuordecim , cum æquali copia reguli antimonii simplicis , apto modo reducta , dederunt iterum , 1. Hydrargyri centumpondia undecim , & libras viginti quinque , cum putrido odore . 2. in collo retortæ , erant filamenta cana , tenuia , una cum arbusculis elegantissimis . 3. In fundo erat antimonium regeneratum , ponderis centumpond. sexdecim , & librarum septuaginta quinque , convexa , nitida , levifacie , striis plurimis , folia referentibus , pulchre exarata ; superna vero plana , porosa , plumbei fere coloris . Porro antimonium hoc , cum cineribus clavellatis , & pauco nitro , denuo fufum , de-



dit unciam unam, & grana triginta-quatuor, seu centennarios fere sex, reguli minime stellati, cum prior triuncialis stellam haberet. Scorix excoctæ, colatæ, & aceto destillato probe saturatæ, dederunt præcipitatum citrini coloris, cum sensibili strepitu, & sine lacteo colore, quod postea siccatum, & probe edulcoratum, transiit in pulverem tenuissimum, Nicotianæ Hispanicæ colore paulo saturatione, ponderis librarum docimasticarum centum & quatuor. Liquor a sulphuris præcipitatione residuus, probe saturatus, leni igne evaporatus, dein residuum leniter calcinatum, depuratum, solutum, & filtratum, dat arcanum tartari rude quidem, sed ab operosa, & ab acido volatili spiritus vini elevata foliatione, viribus medicis, haudquaquam diversum,



sum, summeque virtutis in solvendis coagulis hypochondriorum, viscido spontaneo, infarctibus lentis, in Ictero, Febris intercurrentibus, Obstructionibus mesenterii, Atrophia puerili, Affectu hypochondriaco, ut præclare docuit *Eruditissimus Jo: Henricus POTT*, in *eximia Dissertatione, de Arcano Tartari*.

Unde patet, 1. Difficillimum esse, ac fere impossibile, sulphur minerale, a metallis ita separare, ut absque jactura purum habeatur. 2. Sulphuris, in ea Cinnaberi, hydrargyro adcreti, copiam fuisse librarum docimasticarum bis centum, & septuaginta quinque, cujus fere dimidia pars periit, in fusione stibii regenerati. 3. Sulphur paratum ex scoriis antimonii cum alcali fixo, non esse purum sulphur, sal enim illud solvit partem regulinam, ita, ut ea penitus in scorias

verti queat. 4. Arbusculas illas, in collo retortæ sublimatas, rubellis stipitibus, ramisque canescentibus, aliud esse non posse, quam stibii partem arsenicalem, in acido sulphuris solutam.

An differt sulphur antimonii, cinnaberis, a sulphuribus metallorum? nequaquam: unum enim est in rerum natura acidum vitriolicum, unumque Phlogiston; Unum quoque est hydrargyrum, hinc una cinnaberis, & sulphur unum, quo ligata portio arsenicalis antimonii, & auripigmenti, nec non ipsum hydrargyrum, in qualibet cinnaberi, inertia penitus, & vitæ humanæ innocua redduntur, quidquid de venenata suctione illa penicilli cinnaberi tincti, in Pictore *Ferneliano*, dicat RAMAZINUS, in *Tractatu suo de morbis Artificum*, in quo majorem in re Medica; quam Chymica, peritiam

osten-



ostendit Author, dum in spiritu vini sulphur, & sal alcalinum quærit, stannum mercurio & acri sulphure factum esse, ex commistis camarinis, Sal acidum expirare contendit, aliaque plurima profert, quæ gnaris rerum Chymicarum certe nauseam movere possent.

III. *Terra argillacea*, rudis, eademque martialis, seu constans particulis impalpabilibus, farinaceis, sabulo mixtis, cum spiritu nitri valide effervescentibus, acido vitriolico, bitumine, & terra ferri-fera, foetis, ex quorum miscella nigredo residui, ab expulso hydrargyro, aliaque oriuntur.

Enumeratis iis lapidibus, qui hydrargyri mineram Idriensem efficiunt, ordo postulat, ut eorum quoque historiam breviter adducam, qui, nulla hydrargyri particula mineralisati, in his fodinis



occurrunt. Hoc vero in quatuor Ordines dividere visum est, quorum primus Terras, secundus Lapides, tertius Crystallos, quartus denique & ultimus, Bitumina comprehendat; sit itaque

*Ordo I. Terræ.*

Particulæ impalpabiles, leviter coherentes, affusa aqua pastam efficiantes. VVALTERDORFF. *Syst.*

*Min. Cl. I.*

1. *Terra ferrifera præcipitata rudis.*

*Gelber letten uger.*

Terram ferri præcipitatam, non mineralisatam, vocat VVALLERIUS; Ochram ferri luteam, GRONOV. & LINNÆUS; Ferrum lutum, friabile, VVALTERDORFF; Ochram vero HENCKEL, SVVEDENBORG, alique plures.

Tenuior, & purior una est, ex solutione Vitrioli nostri, sponte, aut cum alca-

alcalinis præcipitata, de qua, in Tentamine secundo, fufius agetur; alia vero rudis, ex pyrite fatifcente producta, pictoriis ufibus inferviens, fabulofa, flava, aut obscure-flavo colore prædita.

2. *Argilla impalpabilis, colore vario.*

*Letten.*

Sabulo deftitutam, recte vocat VVALTERDORFFIUS, male vero arenaceam & fabulofam *Celeberr.* LINNÆUS.

Hispanicam hydrargyri mineram plerumque constituit, Idriensem comitatur, mercurium nudum sæpe fovet, triplici colore donata, albo nimirum, rubro, nigroque; facile solvitur in acidis liquoribus, solutionem flavam utplurimum efficit, hinc vasa docimastica, absque debita fabuli in igne minime fluentis additione, ex hac terra confecta, facillime eroduntur a mineris martialibus,



bus , cupreis , non satis ustulatis , ac pyritosis.

Constat , rubra præsertim , acido vitriolico , & terra martiali attenuata , & aquæ beneficio plasticam naturam adepta. Acidum vitriolicum demonstrat spiritus nitri , & salis communis , argillæ ejusdem efficacia , e suis sedibus prompte depulsus ; terram vero martialem indicat ferrum , cum similo bolo , & oleo lini a BECHERO , nec non oleo terebinthinæ a NAUMANNO paratum .

### 3. *Argilla lapidescens parasitica.*

*Berg Mark.*

Generatur in cavo aliorum lapidum , & nihil est aliud , quam argilla indurata , ut opus non fuisset , peculiari nomine generico a *Clar.* LINNÆO , sub *Margæ* titulo , denotari. Reperitur in lapide calcario , albo & tenui polline sæpius ad-  
sper-



ſperſa, non creationis ſed temporis filia.

*Ordo II. Lapides.*

Particulæ terræ, firmiter coagulatae.

aqua non emolliendæ. VVAL-

TERD. *Syst. Min. Claſſ. II.*

*A. Argilloſi.*

*I. Schiſtus ater ſolidus ſpecularis.*

*Schiegel Schifer.*

Lapis eſt ſolidus, ater, homogeneous, lamellatus, Schiſto tabulari firmior, politiffima & nitente ſuperficie, characteribus inſcriptis ex albo-rubris, ſubſtantia micante.

*2. Schiſtus ater friabilis, ſcripturam non admittens.*

*Mildzeigiger Schifer*

Frequenter occurrit, malleo & cuneo obediens, ideoque expetitus, rudiori tactu fragilis, pulverulentus, ater. Fit lamellis tenuibus, parvis, in pollinem atrum,

atrum, inquinantem, cum aqua forti minime effervescentem, facile transeuntibus. Schistus hic, aeri per annum expositus, levior, fragilior; sepultus autem, in argillam mutatur, unde primo productus fuit. Idem optimam venam metallicam sequitur, atque antecedit, argillarum consortium amans, & mineras molliores III, VII, omnino constituit.

*B. Alcalini.*

*I. Calcarius particulis impalpabilibus solidis micantibus.*

*Grauer Hornstein.*

Constat spato amorpho vulgari, lapideæ substantiæ intime immixto, quæ solida, persistens, albida, micantibus punctulis ubique coruscat. Lapis hic exustus in pollinem abit, aqua effervescentem, malleo valde resistit, effluentem venam indicat, hinc Fossoribus invisus.

Idem



Idem in fornacibus calcinatus, sulphur absorbet, mercurium extricat, hinc caput mortuum varium, spongiosum, leve, plerumque rubellum, fere ut hepar sulphuris.

Altissimi montes Carniolæ, *Storjchitsch*, *Grindovitz*, & alii, eo unice constant, solidiore tamen, minusque spatioso, cujus superficies a pluviis nivibusque soluta, & sole excocta, nivea, granulata, mollior, lichenum crustaceorum lepram æmulatur.

2. *Calcarius particulis impalpabilibus solidis micaceis fuscis.*

*Schwarzer Hornstein.*

Differt a priore, colore fusco, & in eo etiam, quod in aere libero sensim fatiscat, cum tenaci illo spatii vinculo careat.

I. *Stalactites calcarius foliatus, ramosus & simplex.*

*Gruben Gevachs.*

Ex fornicata, muroque firmata parte viarum, in Fodinis hisce, passim pendet, semipedem non raro longus, tubulosus, aqua plenus, tenui cortice factus, hinc summopere fragilis. Reperitur etiam, vix fistulosus, solidior, & pluribus stratis foliaceis compositus, tuncque utplurimum ramosus, digitum crassus, pariter albus. Aliquando in nodos subrotundos, niveos, friabiles, vix foliatis, firmosque concrescit, minime cavus. Constat autem particulis calcariis, tenuissimis, cum aqua forti diu & valide effervescentibus, ac solubilibus.

Similiter fere nascitur, validius effervesce-  
scit, facilius dissolvitur, *Stalactites mar-*  
*moreus ramosus*, LINNÆI S. N. p. 191. va-



rii coloris, plerumque tamen candidus, nec raro argenteus, cujus gravitas specifica ad marmoris gravitatem accedit, seu ad aquam se habet, ut 2690. 1000. Mollior in loco natali, uberrimus in *die Schaz Kammer*, ferri fodinarum *Eisenerz*, *Styriae Superioris*, variae magnitudinis, atque figurae, nulla metallica ferri labe foedatus, quidquid SVVEDENBORGIUS affirmet de ferro latente, quod in ejus matrice tantum reperitur. Quales ferri flores vult Author notarum ad NEUMANNI *Lect. Chym. de Ferro*, ubi dicit, esse instar nivis, & cum paucis inflammabili, in optimum ferum, totos fere, mutari?

2. *Stalactites calcarius solidus tuberculifus.*

*Kalchstein Gervachs.*

Reperitur in fissuris rupium calcariarum, & nihil est aliud, quam corrosa ab al-  
luen-

luentibus aquis, lapidis superficies, seu particulæ lapideæ ab iis abreptæ, ibidemque depositæ: quorum corporum summam certe similitudinem cum *Lichene Coralloide* VAILLANTII *Paris. Tab. 21. fig. 10.* quoties perpendo, toties iusta dubitandi occasio nascitur, Lichenes plerosque crustaceos, & varie colorata illa Lichenum coralloidum fungosa tubercula, inter soboles regni lapidei, aut morbosas succorum vegetabilium degeneraciones potius, quam inter vera florum & feminum receptacula, referri debere.

### *ordo III. Crystalli.*

Ita voco producta Regni lapidei polyedra, lateribus planis determinatis, & angulis proportionatis instructa, quorum alia sunt *Salina*, in aqua solubilia; alia *Lapidea*, insolubilia, in igne non fumantia:



tia; alia *sulphurea*, olidum fumum in igne diffundentia; alia denique *Metallica*, seu in igne liquefcentia.

De *Crystallis salinis*, *Fodinarum Idriensium*, sequenti Tentamine fusius. *Crystallæ lapideæ* triplices, *Vitrescibiles*, *Spatosæ*, *Gypseæ*; Ex his sequentes, in Fodinis nostris, occurrunt.

1. *Crystallus spatosa prismatica subrecta pellucida vitrea*.

Habitat in Calcario 2. estque prisma hexagonum, planis inæqualibus, & tribus planis irregularibus in vertice instructum. Sæpius occurrit, uncialis, plerumque inclinatus, calami crassitiem raro adæquans. Solvitur in spiritu nitri, cum magna effervescentia. Quartzum vocant Nostrates, male tamen; nam acido solvitur, cultro cedit, in igne non vitrescit, & chalybe percussa, scintillas nullas exhibet.

D

2. Cry-

2. *Crystallus spatosa polyedra vitrea aggregata decumbens.*

Pellucida est, acaulis, non raro imbricata, compressa, breviter acuminata.

3. *Crystallus spatosa subdiaphana aggregata decumbens.*

*Spath.*

Cinnaberi nativa granulata, & Ochra ferri, sæpe adsperfa videtur, decumbens, minusque pellucida.

4. *Crystallus spatosa subdiaphana aggregata pyramidalis.*

Spatum crystallisatum; crystallis pyramidalibus coeuntibus, apice triquetris, multifariam, imbricatis. *Cl. P. PODA in Epistolis.*

Constat crystallis fasciculatis, erectis, imbricatis, pyramidatis, in magnas sæpe massas coadunatis, & circa *Idriam*, non raro



# HYDRARGYRI. 51

raro occurrentibus. Effervescit cum aqua forti, & partim solvitur, relicta arenosa & insolubili terra, peregrino nempe fabulo, eidem adcreto.

5. *Crystallus spatosa pellucida aggregata dodecaedra.*

Sunt Crystalli pellucidæ, aggregatæ, vitreæ, ex planis pentagonis, inæqualibus, matrici candidæ innixis factæ; magnitudine, & habitu fere Tartari vitriolati, & sæpe adeo exiguæ molis, ut earum figura microscopiis examinanda sit. VVALLERIUS inter Crystallos Spati, horum non meminit.

Crystallos *vitrescentes*, aut *Gypseas*, in his Fodinis, nondum reperi. Crystalli Ordinis tertii duplices occurrunt, *Pyritosa*, videlicet, atque *Sulphurea*. *Pyrites*, πυρίτης, Veteribus lapis igneus, ignifer, ut χαλκίτης HIPPOCRATIS, Lapis ærarius &

definitur ab HENCKELIO, mixtum minerale varii coloris, terra martiali, sulphure aut arsenico, vel utroque factum, & metallicis particulis utplurimum mineralisatum. Talia sunt

1. *Crystallus pyritosa cubica, subflavæ coloris.*

Pyritem hexaedrum vocat HENCKELIUS, & ex eo Cl. SVVEDENBORGIIUS. Arsenicum nullum in hoc Pyrite reperi, sed solo sulphure, & terra martiali plurima constat. HENCKELIUS affirmat verum huic ferrum inesse; imo LISTERUS, in *Tractatu de Fontibus medicatis Angliæ*, Pyritem, ait, esse purum putum ferri metallum. Verum ego, licet facile admittam inflammabile principium terræ ferriferæ in hocce Pyrite, paulo firmitus, quam in cæteris martialibus mineris, adhærere, attamen arbitror,



bitror, absque additione alterius inflammabilis, verum ferrum ex eo elici minime posse. Cæterum lapis hic ponderosus, ad chalybem valde scintillans, constat tesseris hexaedris, invicem conatis, coloris subflavi, argilla indurata nigricante sæpius adsperfis, quas *Clariss.* LINNÆUS vocat *Pyritem crystallisatum hexaedricum*, sub quo genere Sulphur nudum, imo & Auripigmentum comprehendere non dubitavit, etsi Pyrites sine terra ferrifera nullus, & Auripigmentum, ut optime docuit *Celeber. POTT*, sit concretum minerale sui generis, supra-decompositum, tam a sulphure communi, quam a Pyrite quolibet omnino diversum.

2. *Crystallus pyritosa rhomboidalis subsolitaria.*

Specimen, quod possideo, est albida

D 3 argil-

argilla, crystallis hisce exiguis, modo connatis, modo vero distinctis, ac flavescentibus, ubique coruscans, quarum figura, diligenter observata, rhomboïdalis apparet.

3. *Crystallus pyritosa difformis, pallide flava.*

Lapidi argilloso, friabili, nigro, sæpius immixta est, pallide flavescent, figuræ indeterminatæ; videturque rudis, & minus depurata Pyritis prioris substantia.

4. *Crystallus pyritosa difformis tenuissima.*

Habitat in Lapide calcario, ipsaque Cinnaberi, cujus substantiæ ubique immixta se prodit.

Pyrites nostros sæpius argentiferos, terra ferrifera, & bituminosa, ita invicem conjunctæ, constituunt, ut in aere libero sponte fatiscere, & vitriolum dare

re-



renuant, nisi in pollinem redacti, & abluti fuerint, *Crystallus sulphurea* caret terra ferrifera, & metallicis particulis, soloque sulphure inquinata se prodat. Talis est

5. *Crystallus sulphurea aggregata rubiginiformis.*

Est spatium pellucidum aqueum, in ipsa nativitate, pigmento metallico tinctum. Color est a plurimo sulphure, cum hydrargyri exigua, & fere contemnenda copia, conjuncto. Crystallorum enim harum pulvis ustus, sulphureum odorem spargit, cæruleam flammam concipit, qua evanescente remanet pulvis albus, cum spiritu nitri, eodem modo se gerens, ac spatium superius memoratum. Stultitia est ergo intolerabilis, formulas medicas, tinctis hisce crystallis, & gemmis ornare, qua-

rum fatuum, crumenæ infensum, & viribus vitæ nostræ minime superabile pol-  
len, vel onerat ventriculum, vel noxio  
stimulo febrim auget, vel immutatum  
elabatur, ex intestinis, more cinnaberis,  
aliorumque metallorum. Neque auri  
cum saliva trituri solutio *Helvvingiana*,  
nec *DIPPELLII* mercurius simili modo fa-  
ctus, nec amalgamatis mercurii & auri  
cum aqua diu triti *Hoffmanniana* solu-  
tio, demonstrant, easdem mutationes  
subire metalla, ventriculo humano ex-  
cepta. Exulent itaque ex Officinis præ-  
tiosa ista & inutilia, *vanus* enim est,  
teste LINNÆO, qui ea *estimat*, stultus qui  
in medicina adhibet.

#### Ordo IV. Bitumina.

Mixta inflammabilia, gravi odore.

##### I. Pix



I. *Pix montana friabilis solida rudis.*

Lapis ater, fragilissimus, in igne flammans, nitoris expers, sulphurei odoris, constat oleo bituminoso, particulis argillaceis, in unam solidam homogeneam, & hydrargyro viduam massam coagmentato. Habitu convenit cum *Lithontrace*, quale in Littorali Austriaco, nunc *Flumini*, eruitur; differt tamen fetido odore, noxio fumo, & obscuriori colore, quibus notis ab eo quoque distinguitur, qui in *Styria* inferiore reperitur, fragilior, levior, variisque stratis, superficie politissima nitidaque donatis, constans; nec non ab illo, qui circa *Gotsche* degit, fibrosæ texturæ, & ligno semiexusto, per omnia, simili; quique nihil est aliud, quam lignea substantia, a bitumine liquido penetrata, sicque fossilis carbonis formam adeptæ.

Unciæ

Unciæ binæ, & drachma una, exusti  
lapidis, relinquunt grana quinquagin-  
ta quinque terræ subnigræ, micaceæ,  
inertis.





## N O M I N A

## GERMANICA USITATIORA

Lapidum, qui in Fodinis Idriensibus etiamnum  
extant, una cum locis natalibus.

## TAUBE BERGART.

- |                         |                                      |
|-------------------------|--------------------------------------|
| 1 Graver Schifer.       |                                      |
| 2 Weiße Schifer.        | In Achatz Feld.                      |
| 3 Schwarze Schifer.     | Auf den hangenden Schachte.          |
| 4 Mildzeigiger Schifer. | In Hauptmanischen.                   |
| 5 Spiegel Schifer.      | In ober Wasser Feld.                 |
| 6 Graver Hornstein.     | In ober Wasser Feld.                 |
| 7 Schwarzer Hornstein.  | In Hauptmanischen.                   |
| 8 Ralehartiger Stein.   | In Josephi Stollen.                  |
| 9 Ordinari Kieſs.       | Passim.                              |
| 10 Wasser Kieſs.        | In Wasser Feld.                      |
| 11 Schuſſel Kieſs.      | Bey den Vorigen.                     |
| 12 Rother Letten.       | In Theresia Schachte.                |
| 13 Schwarzer Letten.    | Ibidem.                              |
| 14 Weiße Letten.        | In Achatz Feld.                      |
| 15 Gelber Letten.       | In Hauptmanischen.                   |
| 16 Brauner Letten.      | In Theresia Schachte.                |
| 17 Quartz.              | Nullum in his Fodinis.               |
| 18 Spath.               | In Hauptmanischen.                   |
| 19 Berg Cristall.       | Ibidem.                              |
| 20 Berg Marck.          | In Turnischen.                       |
| 21 Kreisen.             | Bey dem gediegen Erz.                |
| 22 Graver Vitriol.      | In alten Zuehen in Theresia<br>Feld. |
| 23 Haar Vitriol.        | Unter den Josephi Schachte.          |
| 24 Rothe Gur.           | Seltſam.                             |
| 25 Weiße Gur.           | In die Josephi Stollen.              |
| 26 Gruben Gervachs.     | Ibidem.                              |

27 Ei.

## E R Z.

- 27 *Einig eschränkte Erz in Rifs.*  
 28 *In Schwarzen Hornstein.*  
 29 *In Grunen Hornstein.*  
 30 *In Svarzen Schiefer.*  
 31 *In Mildzeigigen Schiefer.*  
 32 *In grauen Schiefer.*

## MITEL ERZ.

- 33 *In Rifs.*  
 34 *In Grauen Hornstein.*  
 35 *In Schwarzen Hornstein.*  
 36 *In Grauen Schiefer.*  
 37 *In Svarzen Schiefer.*  
 38 *In Mildzeig.*

## GEDIEGEN ERZ.

- 39 *In Rifs.*  
 40 *In Mildzeig.*  
 41 *In Svarzen Schiefer.*  
 42 *In Grauen Schiefer.*  
 43 *In Grauen Hornstein.*  
 44 *In Schwarzen Hornstein.*

## JUNGFRAU SILBER.

- 45 *In Rifs.*  
 46 *In Grauen Schiefer.*  
 47 *In Schwarzen Schiefer.*  
 48 *In Mildzeig Schiefer.*  
 49 *In Schwarzen Hornstein.*  
 50 *In Grauen Hornstein.*  
 51 *In Letten.* *In Achat's Feld.*  
 52 *Gedieng Erz mit Silber.* *In Habutmanischen.*  
 53 *Gewachsfener Zinober.* *In vielen Orthen.*  
 54 *Zinober Kreissen.* *In Svietischen.*  
 55 *Steinkohl.* *In Chodekischen Gesenk.*

Ex his sequentia oriuntur Corollaria.

Pri-

In VVasser Feld.

In VVasser Feld.



*Primo*. Terra tenuis, in acido primigenio soluta, eidemque unita & solidata, & vera matrix Hydrargyri. Hinc elucet prædominium terræ primæ, & secundæ *Becheriana*, ex quarum varia proportionē bitumina cuncta oriuntur.

*Secundo*. Existētia realis summaque efficacia assiduo agentis ignis subterranei ex terris hisce alcalinis indubie elucescit; dum ejus beneficio, fixissima salis acidi, & principii inflammabilis portio, solubili terræ intime unitur, inutilibus particulis eadem opera dissipatis. Hæc anima terræ, otiosa numquam fossilium elementa benigno sinu fovens, immutans, uniens, miro prorsus artificio, per varias metamorphoses ita maturat, digerit, movet, ut apta evadant iis gignendis, augendisque corporibus, quæ universum, qua late patet, minerale regnum

gnum efficiunt. Coeant jam in unum conciliabulum omnes corpuscularis Philosophiæ sectatores, suisque cuneis, hamis, & uncis explicent ista, si possunt, certe frustra erunt omnia; sola, felix industria Chymicorum, fidelibus experimentis castum adplicans ratiocinium, abdita revelavit, ignota plurima pandidit.

*Tertio.* Quænam acidi vitriolici, in his Fodinis uberrime latitantis origo? quæ utilitas intra viscera terræ? Originem quod attinet, certum est ubique eam ab aqua, & vitrescibili terra pendere, ut *Viri Clarissimi*, BECHERUS, & STHALIUS, præclarissime demonstrarunt; ejus vero utilitatem quis vere, quis digne perspiciet? An olim, e rudi & indigesta molle secedens, & secundæ unita terra tertia, dum una cum metallicis

par-



particulis constituit Hydrargyrum, terram primam deseruit, quæ aquæ conjuncta sal acidum ita composuit? An potius Hydrargyrum est soboles acidi ejusdem? id ecquidem innuere quodam modo videtur utriusque eodem fere gradu caloris apparens volatilitas, hydrargyri cum sulphureis ignobilibus metallis attenta sæpius habitatio, sulphuris in mineris nostris copia ingens, pyritis in hydrargyrum mutatio visa CANEPARIO, hydrargyri ingenium acidi particeps a TREVIO annotatum; sed cum hoc nullis, ad physicas veritates demonstrandas, necessariis experimentis perspicue ostendi queat, satius erit vela retrahere, quam conjecturis indulgendo, a veri tramite deviare.

*Quarto.* Mineræ hydrargyri Idriensis arsenicum inesse, eumque una cum sulphu-

phure, e fornacibus hisce quaquaversum disseminari, vulgaris est hominum nostrorum opinio. Verum ego, experimentis non paucis circa eandem institutis, nec minimam arsenici particulam detegere potui. Non enim exusta minera alli odorem spargit, non carbonibus vivis adpersa album fumum emittit, non denique flores primo albos, dein rubros, in lamina ferrea, ex nitri cum eadem facta detonatione, producit. Neque obstat color albus laminæ cupreæ, a fumo ustulatae mineræ, aut ejus residuo, apparens, qui a sola rosione cupri ab acido sulphuris suam ducit originem, eodem fere modo, ac ubi cuprum illitum solutione mercurii in aqua forti ab acido salis alba, ab alcali fixo lutea, a calce vero rubra, præcipitata, candidum redditur, & argentei coloris.

*Quin-*



*Quinto.* Attenta Hydrargyri nudi in his fodinis origine, copia, situque, fabulosam penitus arbitror historiam illam de inventis Fodinis hisce a Doliaro quodam, qui suppositum, per noctem, aquæ fontanæ dolium, sequenti mane hydrargyri nativi insigni copia onustum, reportaverit. Non enim solum nullo veteris scripturæ testimonio, aut ulla hominum memoria, hæc traditio confirmatur, sed etiam ei repugnat paucis tantum guttis quotidie stillans hydrargyrum, ipsaque cavarum viarum fabrica, per quas, intra viscera montium fluentes, aquarum rivuli lentissime prodeunt.

*Sexto.* Aquæ illæ guttæ, quæ hydrargyri reductionem, e siccissima quoque minera, perpetuo antecedunt, summam aquæ utilitatem, ad conciliandam cor-

E

pori-

poribus firmitatem , indubie demonstrant . Sine ea enim nulla generatio , nulla in triplici Naturæ regno soliditas fuit unquam , aut esse potest: Hæc coercet volatilia , hæc congregat heterogenea , hæc rebus creatis stabilem naturam conciliat . Hanc unam si demas , omnia peribunt , & in uno momento confusa rerum elementa in antiquum Chaos denuo redibunt .

*Septimo.* Quenam est ea minera Hydrargyri , striatæ antimonii mineræ similis , a POMETO adducta ? cur virgineum hydrargyrum valde pauca copia stillans , visuque rarissimum a NEUMANNO vocatur ? quis est ille mercurius aquæ filius , terræ nescius , & neque per alkaest in diversa solubilis HELMONTII ? quale hydrargyrum ex vitriolo obtinuit BASILIUS ? Misereor ego illis , qui rerum naturam ex  
solis



solis libris eruere, eaque scribere voluerunt, quæ, aut ipsi non viderunt, aut in somniis forte oblata, pro veris temere protulerunt.





# TENTAMEN SECUNDUM

D E

## VITRIOLO IDRIENSI.



Alterum, Fodinarum Idriensium, hactenus ignotum & singulare productum est *Vitriolum nativum*, in antiquis, & minera exhaustis antris, sæpissime occurrens; idemque 1. capillorum, fibrarumque adinstar efflorescens, album, pellucidum, digiti longitudinem non raro adæquans; 2. subopacum, flexile, fluitans, ochra ferri



ferri tenuissima sæpius adpersum; 3. vi-  
rens, pellucidum, fragmentis amorphis,  
friabilibus, unctuosus, vix uncialibus,  
stalacticis, incurvis, atque striatis. Vi-  
triolum itaque Idriense, spectata figura,  
duplex erit utique, nempe

I. *Vitriolum capillare.*

II. *Vitriolum striatum subdiaphanum fria-  
bile nitens.*

Vitrioli capillaris filamenta, manu stre-  
pentia, salivam mox eliciunt, citissime  
solvuntur, & ad aquam se habent, ut  
1835. 1000. Drachma una solvitur in  
uncia aquæ, solutio vero pallide ci-  
trini coloris apparet. Huic adpersus gal-  
larum pulvis, aut immixtum infusum, a-  
tramentum constituit, ut in omni vitrio-  
lo. Ab instillato oleo tartari per deli-  
quium, subitanea & ingens effervescen-  
tia nascitur, terraque metallica præcipi-

tatur, multo pallidior, quam ex *Hungarico*, aut *Goslariensi* vitriolo. Similem ochram dat eadem solutio, calori exposita paulo minori, quam est aquæ ebullientis. Potissimam vero partem, salis hujus, aqua constituit, ita ut ejus libræ quatuor vix semilibram crystallisatæ massæ relinquant.

Vitrioli hujus originem sedulo quærenti, sequentia occurrerunt; 1. In loco natali, e lapide abrasum, denuo renascitur; 2. minera ignobilior in pulverem redacta, abluta, depurata, & aeri libero exposita, eodem vitriolo facile efflorescit; 3. eadem cum argilla in lateres figurata, & in humido loco posita, similibus capillamentis, passim hirta se prodit; 4. magma vitrioli nostri, a crystallisatione residuum, mire intumescens, emittit spicula tenuissima, capillare vitriolum referen-



ferentia 5. Vitriolum Idriense virens ; constat sæpe fragmentis vitriolo capillari flexili terminatis ; 6. Non oritur e gleba metallica , sed in locis ab aere sæpius ventilatis , & aqua madidis. Unde patet, Vitriolum hoc aeris & aquæ auxilio imprimis evolvi , dum acidum dilutum particulas metallicas efficacius aggreditur , & rudiori terra relicta , aquæ auxilio , in crySTALLINA fila concrefcit ; docet hoc terra flavescens , qua eadem sæpe adspersa videntur.

SALMASIUS existimat , Veterum λευκόν , esse verum vitriolum capillare : cum vero ei figuram lanceolatam attribuat , sic probabile videtur , Vitriolum nostrum nec SALMASIO , nec Veteribus , notum fuisse ; imo adhuc ignoramus , quonam proprie vitriolo Veteres usi fuerint , cum

ex barbaris illis vocibus, *Misy*, *Sory*, aliisque, nihil certi statui queat.

Terra illa ochroleuca, paucā, tenuis, quæ, a solutione Vitrioli capillaris, exposita calori graduum nonaginta, sponte secedit, in acidis spiritibus partim solvitur, atque effervescebat, partim vero insolubilis apparet. Portio solubilis est argilla tenuissima, in aquis subterraneis fodinarum nostrarum perpetuo degens; insolubilis vero est terra metallica, fabulo mixta; quarum summam tenuitatem papyracea filtra demonstrant, per quorum porulos, una cum aqueo fluido, facillime transeunt.

Solutione salis hujus ad cuticulam evaporata, seu diminuta mole fluidi solventis, ejusque densitate a frigore adaucta, molleculæ salinæ ad se invicem  
pro-



propius accedunt, & vi illa attractrice, qua materiam instruxit INFINITA SAPIENTIA, ita sese amplectuntur, ut massas efficiant, fluido ipso, cui immerguntur, specificè graviores.

Ita genitæ cryſtalli, ſunt priſmata tetragona, longa, pellucida, vitrea, quæ ad aquam ſe habent, ut 1680:1000. Teſſeræ hujus anguli alterni ſæpius obtuſi ſunt; extremitas autem una oblique truncata eſt, dum alia triangulis plerumque quatuor inæqualibus, in acumen coeuntibus, terminatur. Quis a Vitriolo hanc figuram expectaſſet? quam ſunt infidi ſalium caracteres, ex horum ſchematibus unice ſumpti!

Vitrioli hujus cryſtalliſatio hæc phænomena poſt ſe trahit; 1. moles ſolventis aquæ minuitur in ratione reciproca cryſtallorum quantitatis, & magni-

gnitudinis, pondere, totius liquidi eodem fere manente. Causa hujus decrementi est liquidi a calore prius rarefacti densitas a frigore nata, & portio quædam aquæ unita salibus, cum præcipitatæ solutiones menstrui partem aliquam secum semper abripiant; 2. magma quoddam albicans, non crySTALLISATUM, vitri parietibus passim adhæret, intumescit, & ita sensim elevatur, ut ex ejus orificio non raro proserpat; 3. Terra metallica, flava, crySTALLINÆ massæ substrata videtur; cum enim sub qualibet solutione, acidi vitriolici pars aliqua pereat, ita partes quædam terræ non amplius sustentatæ a salibus, eousque secedunt, donec ultima solutionis evaporatio solam illam terram, una cum pingui, & minime crySTALLISATO magmate, præbeat. Recte itaque

*Cele-*



*Celeberrimus BOERHAAVIUS: neque hac (inquit) laborum fastidia defugiens, Chalcanthum in aqua solvi, digessi solutum; vix quantum accepi flava terra copiam, ochram dictam; dum patiens repeto opus solutionis, crystallisationis, facum ablutiois, ex totum atramentum sutorium in calcem flavescen-tem, pro parte maxima, vertitur, dum reliquum evanescit in auras, & alia pars in spissum, austerissimum, pingue liquidum mutat.*

Vitriolum capillare nativum, & crystallisatum, in aere libero non facile fatiscit. Idem difficilius crystallisatur; crystallos autem dat pellucidas, vitreas, & semper albas, hinc diversas ad HENCKELII vitriolo capillari, quod nativum quidem album, crystallisatum autem, perpetuo viride apparet. Crystalli hæc, in ferreo cocleari, igne valido, tostæ,

con-

confluunt in unam massam, cum fremitu quodam, & albida spuma, ipsumque cochlear erodunt, in scorias versum. Massa hæc aeri exposita rubeſcit inſtar croci martis; ſoluta vero in pollinem rubrum mutatur, per filtra ſæpius tranſeuntem.

Conſtat ergo Vitriolum capillare, 1. aqua plurima, 2. acido vitriolico, 3. terra martiali magis attenuata. Præter hæc Veneris latentis indicia, dant ſapor nauſeoſus, emetica virtus, lamina ferrea, ab ejus ſolutione cupreo colore tinſta; origo denique, & una habitatio cum Vitriolo viſcente.

Deſcripto Vitriolo capillari, propoſitus ordo poſtulat, ut ad aliud tranſeamus, nempe *Vitriolum ſtriatum ſubdiaphanum friabile nitens*, quale paſſim reperitur in lapide argilloſo, nigro, molliori,



liori, prædicta loca degens. Pyritem olim fuisse censeo, ex quo aeris, & aquæ auxilio, vitriolum exortum sit; quæ de re legendus, instar omnium, *diligentissimus* HENCKELIUS, *Fraibergæ* in Saxonia, ut ego hic *Idriæ*, olim Physicus Cameralis, ob ingenii vero præstantiam publice demonstratam, condignis honoribus, a Sapientissimo Rege, merito decoratus.

Vitriolum hoc, dictis lapidibus Quarzi & Spati in morem, instratum, substantiam friabilem, striato-filamentosam, colorem viridi-cæruleum, superficiem vero fulgidam habet. Striæ illæ sæpius connatæ, sunt totidem fibrarum, filorumque fasciculi, qui, quo magis opaci, eo etiam pallidiores, mollioresque videntur. Eædem non raro distinctæ, lucidiores, & ita deflexæ sunt, ut utraque

que

que extremitas adnata lapidi columnam faciat arcuatam. Vitriolum etiam capillare perpetuo sequuntur, imo earum pars suprema capillaribus filis non raro efflorescit.

Idem in aere sicco cito fatiscit in pollinem album farinaceum; in humido vero diffluit, atque evanescit. A. 1757. intra fodinas magna copia collectum, diuque relictum, demum ita disparuit, ut, præter lapidum sterilia fragmenta, nihil aliud superfuerit.

Solutio salis hujus pellucida, subvirescens, & leniter calefacta, floccoso, flavo, & divulso eneoremate tota turbatur, quæ denuo colata relinquit in filtro terram flavam, tenuem, quæ a spiritu nitri magis attenuatur, cum oleo tartari per deliquium parumper ebullit, indeque rubrum colorem acquirit. Unde



de patet, quam varia, ponderosa, nullisque vitæ viribus superanda corpora, innatare queant liquidis nostris, ut ideo inspectio urinarum in acutis omnino necessaria sit, quæ mutationes morborum in salutem, aut mortem, sæpe solæ, prænuntiant.

Eadem affuso pulvere, aut infuso gallarum, atramentum constituit; cum liquore nitri fixi diu & valde effervesceat, cum innumeris bullulis interea erumpentibus, & præcipitatione atrii, subviridis, floccosi sedimenti, odore putrido, & supernatante mucilagine flavâ; qualia phænomena, ex affuso eodem liquore, solutioni vitrioli martis, imo & Hungarici, omnino oriuntur.

Solutio eadem, infuso corticis peruviani, sensim instillata, dat nigrum, floccosum sedimentum, cum superna-

tan-

tante liquore insipido, subviridi, pellucidoque. Cum infuso corticis fraxini, color quidem ater, sed flocci nulli, post horam tamen sedimentum nigrum apparet, & supernatans liquor viridem colorem exhibet. Cum infuso agarici quercini, nulla mutatio visa est, quæ tamen a gallis, cortice, & foliis ejusdem arboris, se manifestat. Unde patet, 1. corticem peruvianum, viribus stipticis, fraxineum superare; 2. plantas parasiticas non sequi ingenium plantæ, in qua radicantur.

Lixivium commune cum æquali copia solutionis hujus commixtum, subitam, & brevi evanidam effervescentiam, cum ingrato odore, produxit. Color mixturæ talis erat, qualis urinæ ictericorum, cum plurimis bullis, vitro passim adhærentibus. Eadem frigori exposita concrevit in solidam, acrem, saponi simili-



similem massam, saporis nauseosi, & subamari, cujus pars superior cæruleo-virescens, inferior vero cinerea fuit. En quam ingens aquæ copia se univerit hisce salibus, in unum grave, & faxeum fere corpus! Nonne patet, urinas illas stranguriosas, acres, rubicundas, in morbis acutis, a sola salium copia, & liquidi diluentis inopia, sæpe unice nasci, idque tum maxime cum egri calidis exusti, in aere æstuoso, stragulis sepulti, absque potu sufficienti, pessima methodo, ad mortem usque torrentur?

Lixivium saturatissimum Vitrioli nostri fusco-fulvum, ponderosum, acerrimum, ex unciis quadraginta novem, dedit phlegmatis libram unam, & uncias quatuor, quo in recipiente supernatabat duræ, ponderosæ, saponem referenti & tenacissimæ massæ, ponderis unciarum

quinque. In retorta erant liquoris fusco-fulvi, turbidi, aluminosi, uncia sex, una cum unciis sexdecim massæ solidæ, difficillime solubilis, ceracea tenacitate, splendida superficie, vitriolico sapore.

Cryſtalli salinæ, ex evaporata ad cuticulam Vitrioli hujus solutione productæ, se habent ad aquam ut 1897:1000. observante *Clarissimo* P. PODA, qui salia hæc ponderavit primo in aere, tum spiritu terebinthinæ, cujus gravitas specifica ad aquam erat, ut 874:1000, inde calculo deduxit, quantum ponderassent in aqua pluviali, si in hac indissoluta servari potuissent. Interim varia schemata possident; modo rhomboidalia, modo octaedrica, modo vero dodecaedrica apparent. Sed etiam hexaedrica non raro esse solent, angulis lateralibus alternis plerumque truncatis. Cæterum  
tesse-



reſſera eſt compreſſa, oblonga, cæruleo-vireſcens, utrinque acuta, & angulis planiſque inæqualibus ſæpius inſcripta. Pondus unicæ cryſtalli, hætenus obſervatum, granum unum raro ſuperat. Difficilius calcinatur, quam capillare vitriolum, facilius autem cryſtallifatur. Eædem cryſtalli leniter calcinatae, & aeri diutius expoſitæ, cæruleum quaſi colorem induunt, & intra binas hebdomadas, de una uncia & drachmis tribus, ſexaginta fere grana deperdunt.

Unciis quatuor earumdem cryſtallorum, in libra una aquæ tepidæ, ſolutarum, inſtillavi calidum liquorem nitri fixi, donec nulla efferveſcentia, nullaque terræ metallicæ præcipitatio, apparuerit. Ita obſervavi, i. ad perfectam ſaturationem, unius uncie vitrioli noſtri cryſtallifati, requiri unciam unam & binas dra-

chmas liquoris alkalini . 2. Colata mixtura , urinæ fani hominis colorem habuit , evidenti argumento , sal alkali purum in tali urina non latere . 3. In filtro relictæ fuit terra fusco-virens , quæ probe edulcorata , & exsiccata , ponderavit unciam unam & drachmas duas . 4. Liquor residuus , decem fere unciarum , in frigido loco positus , turbatur floccis innumeris , modo fundum petentibus , modo vero innatantibus , qui in filtro relinquunt ochræ levissimæ , flavescen-  
tis , grana duodecim , priore liquidi colore manente . 5. Idem liquor , filtro de-  
nuo trajectus , & leniter evaporatus , dimittit pollinem album , insipidum , magnesiæ nitri facie , vitro ubique adhæ-  
rentem , qui aeri expositus spicula tenuissima undique emittit , ut solet ma-  
gma Vitrioli ejusdem ; idem valde ef-  
fer-



fervescit, & solvitur in spiritu nitri . 6.  
Tertia vice evaporatus liquor dedit ar-  
cani duplicati, seu nitri vitriolati purif-  
simi, unciam unam, drachmas tres, &  
grana triginta duo, ejusdem formæ, ac  
vulgare illud crySTALLISATUM sal absynthii,  
aliaque similia, ex cineribus plantarum,  
cum acido sulphuris facta; quæ quoties  
intueor, toties eorum hominum detestor  
incuriam, qui absque judicio iis sali-  
bus passim utuntur, ad acidam prima-  
rum viarum acrimoniam corrigendam,  
cum tamen nesciant, an sint alkalina,  
an acida, vel mediæ naturæ. Recte ita-  
que *Egregius NEUMANNUS* : *vellem* (in-  
quit) *in nomine Domini, salia ista herba-*  
*rum incerta & lixiviosa, quæ, neque pure*  
*acida, neque alkalina, neque media, vel*  
*neutra sunt, suis locis reposita, quietaque*  
*relinquere*. Ex hoc experimento patet,

Vitrioli viridis Idriensis crySTALLISATI unciam unam constare ex drachmis binis terræ metallicæ, drachma una & semis acidi puri, reliquum vero aquam efficere, seu ad indolem Vitrioli de cypro quamproxime accedere.

Dixi, quartam fere partem terræ metallicæ Vitriolo huic inesse; qualia vero metalla foveat, nondum satis explicatum fuit. Ut ergo hoc invenirem, capitis mortui vitrioli ejusdem, post destillationem aquæ fortis, & arcani duplicati præparationem, optime edulcorati, uncias tres miscui cum anatica dosi salis ammoniaci, simulque commixta, in cucurbita vitrea balneo arenæ commisi. Sic igne debite applicato, adscendit primo fumus albus, mox aqua flavescens, dein sublimatum album, mox lateritium, ac denique flavum. Post horas sex, refri-  
gera-



geratis omnibus, habui 1. Pulveris flavi, spongiosi, levis, croci odorem spirantis, collo alembici, ejusque rostro appositi, unciam unam & semis. Pulvis hic in liquore nitri fixi, & spiritu vitrioli, non mutatur, neque effervescit, bene vero in aqua forti, in qua omnino dissolvitur, cum magno calore, effervescencia, fumis albis, & solutionis colore flavo. 2. Similis massa, sed longe solidior, adhærebat collo cucurbitæ, ponderis unciaë unius. 3. In recipiente erat uncia una, cum drachmis sex, & granis triginta, liquoris volatilis, urinosi, cum aqua forti valide effervescentis, fumo albo, denso, late diffuso, oculos vellicante, pectori noxio. 4. Residuum solidum, atro-fuscum, micaceum, ponderis unciarum duarum cum dimidia, & granorum triginta. Id valde effervescit in aqua for-

ti, & partim solvitur, partim vero mutatur in terram tenuem, ochraceam, per filtra facile transeuntem. Idem aeri expositum, ingratum spargit odorem, nitorem perdit, & deliquescit.

Sublimatum aurantii coloris, martialem terræ metallicæ naturam demonstrat, ut patet, ex sublimatione salis ammoniaci cum limatura ferri, aut lapide hæmatitide, facta. Martem quoque prodest residuum illud ponderosum, micaeum, fuscum, ut optime, ex *Collectaneis Leidenfibus*, annotavit SVVEDENBORGIIUS. Hac vero operatione, martiale terræ principium a sale ammoniaco sic mutatur, ut cum infuso gallarum, atramentum non efficiat, sed longe aliam, eamque alkalinam naturam acquirat. Mira certe salium potestas, in aperendis, solvendis, mutandisque metallis, perit



ritis nota Chemicis, si vere innotesceret, posset utique ignota plurima pandere, ipsisque etiamnum sitientibus Adeptorum umbris solatia dare. Sed etiam color subvirescens, sapor subdulcis, & facilis fatifcentia, martem indicant. Idem probant crytalli in igne frementes, origo ex Pyrite, sedes argillacea, atramenti productio ex infuso gallarum, ochræ præcipitatio ab alkali fixo, caput denique mortuum aquæ fortis, cum vitriolo nostro factæ, rubricam friabilem referens.

Cum vero nullum sit vitriolum nativum simplex, hinc nostrum quoque ab omni venerea labe liberum nullibi apparet. Docent hoc 1. Color viridi-cæruleus; 2. Vis emetica; 3. Sapor nauseosus; 4. Tinctura cærulea, ab effuso spiritu salis ammoniaci; 5. Cupreus color

lor laminæ ferreæ, solutioni ejusdem inditæ, qui juxta *Clarissimorum Virorum*, STHALII, HENCKELII, HOFFMANNI, NEUMANNI, SVVEDENBORGII, aliorumque testimonia, venerem in vitriolo latentem perpetuo demonstrat.

Cum ergo Vitriolum ex felici conubio falis acidi & terræ metallicæ prodeat, sic hujus ingenio jam perspecto, aliqua de ejus acido annotanda supersunt, & quidem illa, quæ in destillatione aquæ fortis, cum Vitriolo nostro factæ, præcipue observantur, ut vera ejus natura inde clarius innotescat. *Primo* itaque nulli in nebulas coacti fumi in excipulo apparent, nullus per lutum erumpens vapor, noxius odor nullus, & calor excipuli longe mitior observatur, quam si alio quolibet vitriolo idem spiritus fuerit expulsus. *Secundo*, major  
copia



copia phlegmatis sub initium exstillat ,  
etsi vitriolum debite calcinatum , & ni-  
trum depuratissimum fuerit adhibitum .  
Ex hoc phlegmate , spiritu nitri imbu-  
to , intra noctem , ortæ sunt crySTALL  
suberectæ , prismaticæ , fistulosæ , sæpe  
unciales , omnino solubiles , nullaque cru-  
sta lapidea tectæ , ex qua crySTALLORUM  
cavitates non bene deduxit KAHLERUS ,  
de *generat. crySTALL. Cap. 3. p. 14. Tom. I.*  
*Amœnit. Academ. Cl. LINNÆI . Tertio* , fa-  
cile transcendit in excipulum terra me-  
tallica . *Quarto* , octodecim unciaë spiri-  
tus purioris & flavescentis , ex anatica  
Vitrioli & Nitri duarum librarum do-  
si , prodierunt , cujus uncia semis sol-  
vit hydrargyri sensim instillati drach-  
mas quatuor , & grana viginti octo , ita  
tamen ut postquam soluta fuerint gra-  
na centum & octoginta sex , mox cry-  
STALLI

stalli octaedricæ, planæ, utrinque acuminatæ, menstruo innatare cœperint, & præcipitari; quarum numerus & magnitudo eo magis increfcit, quo major mercurii quantitas solventi liquido fuerit affusa. Inter hæc jucundum oculis spectaculum dabant cryftallorum planis superficiebus ubique infidentes aeræ bululæ, quæ e basi globuli cujusque mercurialis exortæ, & diffilientes, aeris magnam copiam emittebant. Rurfus, ejusdem spiritus grana nonaginta faturantur granis centum & decem liquoris nitri fixi, unde nitri regenerati binæ drachmæ oriuntur, absque ulla pulveris flavescentis particula. Econtra vero eadem copia aquæ stygiæ, cum Vitriolo Hungarico paratæ, solvit hydrargyri drachmas quatuor, & grana decem, quibus solutis, lamellæ tenuissimæ, cry-  
 stallis



stallis tenuissimis capillaribus connatis ,  
factæ, cum notabili in vitro caloris aug-  
mento , oriuntur , & invicem junctæ  
fundum vasculi petunt. Massa hæc can-  
didissima , in aere libero, aut aqua ad-  
sperfa , citrinum colorem acquirit , qui  
tamen noctu , lumine candelæ visus ,  
albus denuo videtur . Spiritus ejusdem  
grana nonaginta saturantur granis cen-  
tum & quinquaginta liquoris nitri fixi ,  
nitri regenerati drachmas duas, & gra-  
na triginta , post se relinquunt, & in  
actu effervescentiæ spumam crassam ,  
multam, flavo-viridem efferunt. Ex qui-  
bus apparet, *Primo*, spiritum nitri, pro  
diversa Vitrioli natura , varium etiam  
existere, & in solutionibus metallorum,  
varios pariter producere effectus , qui  
metallicis corporibus adscribi non de-  
bent . Neque alia potior causa videtur  
tan-

tantarum varietatum in una & eadem operatione, dum unus hæc enarrat, alius iterum alia. Solam aquam attendite o Chymici, heu quam diversæ in salium solutionibus observationes, quam varia corporum specifica gravitas! Jam nostis hæc optime, ut non opus sit de super plura proferre. *Secundo*, Acidum in Vitriolo Idriensi minus concentratum, nec adeo copiosum, non ita aggredi nitri terram alcalinam, ac acidum Hungarici Vitrioli. *Tertio*, aquam fortem non esse purum nitri spiritum, sed acido vitriolico, & particulis metallicis inquinatum; acidum demonstrat ejus depuratio, abstractione super nitrum instituta, & terræ bolaris ineptitudo ad novum spiritum denuo eliciendum, si ea semel eidem operi fuerit adhibita; metallicas vero particulas ostendit color, & ter-



& terra martialis a spiritu nitri cum bolo parati, & per se demum rectificati, relictæ.

Acidum hoc in terræ visceribus, inflammabili principio conjunctum, sulphur constituit, quod e fornacibus nostris quaquaversum diffusum, valde foetet, pabula animalium adeo vitiat, ut oves, vaccæ, & capræ foetus aridos mortuosque sæpius excludant, vicinis arboribus ariditatem conciliat, & ferreos recti clavos erodit atque consumit, non aliter ac in *Mysniæ* Fodinis, ubi, teste AGRICOLA, clavi casarum, quæ illis fodinis propiores erant, lignei esse debebant.

Jam venio ad tertiam Vitrioli nostri partem constitutivam, Aquam videlicet, qua ablata fatiscit, & calcem efficit, restituta vero, formam crySTALLINAM denuo

re-

recuperat . Sine ea sal nullum, cryftalli nullæ oriuntur , in quarum cavo finu. aquæ guttulæ quandoque fluitant, ut vidi in uberrima minerarum omnis generis collectione *Ill. D. Confiliarii Montanelli Antonii de SARTORI*. Hinc patet mira certe, neque hætenus pro dignitate perspecta salium quorumcumque proprietas, aquam illam coercendi , quæ sibi relicta forte obrueret universum. Certe in Macrocosmo, salium copia inopiam aquæ; hæc autem abundans, defectum partium salinarum, indeque natam inertiam, languores , morbosque frigidos , perpetuo comitatur . Quis Physicorum nescit aquam , quo pluri sale foetam, eo minus rarefieri , minusque densari, seu specificas liquidorum densitates a salibus augeri , in ratione reciproca eorum copiarum , & virium attrahentium? Hæc una ratio est,



est, cur lixivium vitrioli nostri ferius ebulliat, & ferius in solidam glaciam massam concre scat, quam aqua dulcis; cur denique humana fanitas a salibus conservari, ac destrui queat.

Ignari rerum naturæ, & imaginationi devoti quidam arbitrantur, in aquis Idriensibus mercuriale virus latitare, nec eas, sine periculo, ratione potus assumi. Quid unquam ineptius? Estne aqua communis hydrargyro solvendo idonea? estne hydrargyrum corpus salinum, in aqua solubile? Sed apage nugas: si dicerent, vitriolici quid iisdem aquis inesse, assensum sane mererentur, modo id vere demonstrarent. Verum ego, quidquid tentaverim, nec minimam vitrioli particulam in iis detegere potui. Nec juvat objicere, has epotas advenis alvum fluidam quandoque producere; modo

G                      enim

enim movet alvum aqua tepida, modo mollis plantæ succus, modo acidula pomi pulpa, modo denique aridior alvus Viatoris, si quietem habuerit, insuetasordes ingestorum propriis viribus sæpius eliminat.

At inquierent nonnulli, Vitriolum, in aquis saltem illis, quæ intra has Fodinas scaturiunt, necessario latere, ubi adeo copiosum reperitur. Examinaui itaque has, qua potui, diligentia, & sequentia observavi. Unicus fons est Idriensium Fodinarum A. 1755. improvise detectus versus plagam occidentalem, in campo *Mittlfd*, ad profunditatem passuum 59. & quatuor digitorum. Sapor aquæ nullus, leniter mucosus, color naturalis. Cum pulvere, aut infuso gallarum, leniter flavescit, non rubra, non atra redditur. Addita salis tartari meracissima solu-



soluzione parumper latefcit, fed absque  
 fedimento. A liquore nitri fixi non tur-  
 batur, neque effervescit. Ex quatuor li-  
 bris pharmaceuticis, dat solidæ substan-  
 tiæ grana tria, seu pulverem album,  
 insipidum, mollem, cum spiritu vitrioli  
 leniter, cum spiritu vero nitri valde ef-  
 fervescentem, a quo solvitur cum al-  
 bo fumo. Per filtrum transit mucilago  
 tenuis, floccosa, albida, quæ, evapo-  
 rato omni liquido, dat pulveris ejusdem  
 grana quatuor. Unde patet, 1. aquam  
 hanc, a Fossoribus nostris, posse in  
 usum revocari. 2. nullum ei inesse  
 Vitriolum, sed solam paucam terræ co-  
 piam, alcalinæ & gypseæ fere naturæ.

Reliquam aquæ copiam, quæ in Fo-  
 dinis extillat, constituunt guttulæ pas-  
 sim cadentes, modo insipidæ, modo  
 vero salinæ, quæ ligneis canalibus ex-

ceptæ, & propriis receptaculis passim collectæ, Anthliæ suctoriæ beneficio continuo educuntur.

Machina hæc constat tubo æanneo, cujus longitudo passum unum, diameter vero digitum æquat. Hanc exacte replet embolus ligneus, quinque foraminibus, valva coriacea tectis, instructus, & manubrio adnexus stylo ferreo triangulari. In fundo cylindri est valvula coriacea, quæ, ex tubo ligneo perpendiculari, adscensum aquæ concedit, descensum vero prohibet. Dum itaque ope manubrii attollitur embolus, ex legibus hydraulicis, per tubum ligneum in cylindrum æanneum adscendit aqua, sicque repetitis aspirationibus, intra tubum eousque recipitur, donec ad octo passuum altitudinem, per continuos tubos elevata, in situlam effundatur, cujus



jus amplitudo, ob assiduo accedentes  
 aquarum rivulos, eo magis augetur, quo  
 magis eadem ad terræ superficiem ac-  
 cedunt, Porro manubrio emboli ele-  
 vando inservit rota retrograda, diame-  
 tro quinque passuum instructa. Simili  
 anthlia suctoria gaudent mineræ *Frei-  
 bergenses* in *Saxonia*, embolo excepto, in  
 quo aliqua diversitas, levis tamen, ob-  
 servatur. Binæ ejusmodi machinæ in  
 Fodinis nostris necessariae sunt, quarum  
 quælibet, intra horæ minutum, septua-  
 ginta fere mensuras aquæ evacuat.  
 hinc utraque simul 201600.

Vitriolicæ naturæ ea etiam est aqua,  
 quæ in fornacibus nostris, e minera exu-  
 sta, sensim extillat. Cum gallis enim  
 atramentum repente constituit, stiptica  
 valde est, macula flava indelebili lin-  
 tea tingit, eaque corrodit, laminam fer-

ream cupreo colore inficit, & crystallos dat octaedras, aluminosas, cæruleo-viridi colore donatas. Ex quatuor libris hujus aquæ obtinui, 1. aquæ insipidæ, inodoræ, purissimæ, libras tres, drachmas quatuor, & grana triginta. 2. liquoris fusco-fulvi, acerrimi, uncias quinque, & drachmas quatuor, qui cum oleo tartari per deliquium ita efferbuit, ac si alckali fixum aquæ docimasticæ fuisset adfusum. Miscella evaporata reliquit magma tenacissimum, fusco-flavum, resinam referens. Sic intra unam horam, ignis efficacia, ex Pyrite Vitriolum enascitur; sic elucet acidi Vitriolici in elevandis sublimandisque metallicis particulis indubia potestas.

Sive vero ex Pyrite, sive etiam ex aquis Vitriolum hoc paraveris, manet semper, absoluta crystallisatione, magma



ma quoddam albicans, pingue, minime crystallifatum, ut jam superius annotavi. Varia de eo instituit experimenta *Clarifs. GEOFFROY*, quæ *Actis Academiae Regiæ Scientiarum* A. 1713. inserta leguntur. Verumtamen, quæ ibidem exstant de alcalina hujus magmatis indole, deque terra cinerea, ea certe, quidquid hoc Vitriolum diu & sæpe tractaverim, nondum licuit observare. Præter hæc, alkali fixum eidem magmati inesse negat perpetua illa effervescentia cum alcalinis, omni tempore apparens; hinc optime HENCKELIUS, rejecta Geoffroyana sententia magma hoc ex acido vitriolico & terra genitum esse arbitratur, licet ejus terræ copiam, veramque naturam nondum satis definiverit. *Celeberr. NEUMANNUS* opinatur, magma hoc constare terra fetrifera, & aci-

do falis communis; sed obstant huic sententiæ, 1. Idem magma apparens post præcipitationem omnis terræ metallicæ, ab alcali fixo, in præparatione tartari vitriolati, cum vitriolo nostro facti. 2. Terra metallica a vitriolo secedens, acido vitriolico semper infecta. 3. Sal Glauberianum ex hoc magmate nulla arte possibile. 4. Spiritus falis ab affuso eidem spiritu nitri, aut oleo vitrioli, exclusio nulla. Verum quidem est a solutione magmatis hujus affusa hydrargyro in aqua forti soluto, præcipitatum album enasci, sed idem fit a Borace, & tartaro vitriolato, idemque pulvis adspersa aqua flavescens, retortis terreis fornacum nostrarum, in hydrargyri destillatione passim adponitur, in quo tamen, nullo experimento, acidum falis communis detegere potui. Sed etiam

stibii



stibii pars regulina, ab eodem præcipitato minime soluta, clare docet, nulum acidum salis communis in Vitrioli nostri magmate contineri.

Arbitror itaque, mucilaginem istam, a terra tenui, gypseæ fere naturæ, nec non metallica tenuiore, acido vitriolico haud satis saturata, produci; cum ex ejusdem saturatissima solutione, cum limatura ferri diu ac debite infusa, nec minima Vitrioli veri particula parari possit.

Ex hæcenus de Vitriolo nostro adductis observationibus, sequentia deducere liceat Corollaria.

*Primo.* Figuræ crystallorum non fidos salium genericos suppeditant characteres. Docet hoc vitriolum nostrum polymorphum, figuræ minime parallelepipedæ rhomboidalis, in qua salis hujus

jus essentiam consistere mathematicis rationibus suffultus contendit GULIELMUS. Hisce aliisque erroribus eorum scripta passim scatent, qui Sthalianis oculis destituti, & ex Algebra Chymici carbonario polline manus suas nunquam inquinaverunt.

*Secundo.* Falluntur, & fallunt illi, qui Vitriola ex coloribus in suas species dividere gestiunt; Vitriolum enim nostrum album & viride, simplex veronullum; cum omne martiale vitriolum venerem foveat, & ut optime advertit *Clariss. GELLERT*, ex minera venerea minime martiale vitriolum confici minime potest. Quamobrem nescio, e quonam terræ loco LINNÆUS & VVALLERIUS vitriolum illud nativum simplex, ab hermaphrodito diversum habuerint. VVALLERIUS certe non addit  
fodi-



fodinas, ubi fuerit inventum; LINNÆUS vero affirmat, e *Cypro* deferri. Veruntamen si est *Cyprium Officinarum*, tunc erit quidem simplex, sed minime nativum, de quo loquimur.

*Tertio*. Vitrioli nativi in species divisio, omnium optime a prævalente metallica parte desumitur. Hinc triplex erit tantum, nempe vitriolum Martis, Veneris, & Zinci. Denominatio hæc vitrioli naturam protinus manifestat, & docet, an vitæ humanæ congruum, vel potius adversum sit; Vitriolum enim martiale magis amicum, minus venereum, minime vero zinci. Idem sentiendum de vitriolis artefactis, præcipue simplicibus, quorum delectus, & prudens applicatio, multum boni præstat Humano Generi. Vitriolo martis debita dosi dato, in vermibus enecandis

108 DE VITRIOLO  
dis quid præstantius? Cicutæ virus, &  
alia venena in ventriculo hærentia,  
quid citius, quid certius exturbat, quam  
felix dosis albi vitrioli, mellito & co-  
pioſo potui junctæ? Quid denique laxa-  
ta vafa palpebrarum efficacius conſtrin-  
git, & oculorum mucoſam colluviem  
detergit efficacius granis aliquot vitrio-  
li prudenter applicati? Jam norunt hæc  
in Arte docti, ut vanum ſit deſuper  
plura proferre.



TEN-





# TENTAMEN TERTIUM

D E

CAUSIS ET CURATIONE  
MORBORUM,

*Qui Hydrargyri Fessores potissimum  
affligunt.*



Uicumque Rebus Medicis o-  
peram navant, ii morborum  
origines, læsarumque actio-  
num causas probe cognitas  
habere debent, antequam ægris cor-  
poribus adversæ valetudinis præsidia sup-  
pedi-

peditent . Cum vero inter illas non infimum locum habeat vitæ genus atque opificium, cuius beneficio, hic aut ille victum sibi comparat, ita Medicus ad ægrum accedens, non solum interrogare debet, *quæ patiatur*, (verba sunt HIPPOCRATIS) & *ex qua causa*, & *quot jam diebus*, & *an venter secedat*, & *quo victu utatur*, verum etiam quam artem exerceat . Non enim eadem mala vexant *Biantem* pugilem, quæ sedentem in Musæo *Archimedes* Siracusanum, nec iidem morbi *Fabrum* cruciant, iidemque *Cursores*. Ut autem omne opificium proprias suis cultoribus infirmitates adducit, tum illud præsertim, quo ex imis terræ latebris

*Effodiuntur opes, irritamenta mlorum;*  
unde recte hunc in modum de his scripsit LUCRETIVS,

*Nonne*



FOSSORUM HYDRARGYRI. III

*Nonne vides, audisve perire in tem-  
pore parvo*

*Quam soleant, & quam vita copia  
desit?*

Porro inter ea metalla, quæ e terra  
passim eruuntur, nullum fane reperitur,  
quod actiones sanas humanæ machinæ  
citius evertat, quam Hydrargyrum mi-  
neræ inhærens, aut ignis auxilio ex ea-  
dem elicited. Tanta certe est hujus  
fluidi Semimetalli in nocendo facultas,  
ut etiamnum in *Hispania* iniqui homi-  
nes, detergendis fornacum caminis, post  
absolutam ejus destillationem, in scele-  
rum suorum poenam addicantur. Quid-  
quid sit tamen, ii fane a veri tramite  
multum deviarunt, qui adeo tetrum vi-  
rus, seu, ut ait RAMAZINUS, truculen-  
tam pestem, ex hydrargyri minera ex-  
halare putarunt. Ita FALLOPIUS tales ho-  
mines

mines vix tertium annum attingere ; dixit, cum tamen non unam centuriam afferre possem illorum , qui per annos ultra triginta hasce mineras frequentarunt . Falsum etiam est illud, quod A. 1665. *Societati Regiæ Anglicanæ* relatum, & ejusdem Actis insertum fuit, Fossores nempe Idrienses ultra sex horas operari non posse ; nam præterquam quod unicæ diei merces octo horarum laborem exigat , sunt etiam non pauci, qui pecuniæ amore aut necessitate coacti diutius etiam operantur.

Ut ergo hæc refutarem, & successoribus ad morbos Nostræ Gentis tuto ac cito curandos viam facilem sternerem , operæ pretium esse duxi ea fideliter enarrare, quæ circa eorum originem & mendendi rationem in Operariis hisce adhibitam, per sexennium observavi.

Mor-



## FOSSORUM HYDRARGYRI. 113

Morbi Fossoribus nostris familiares ;  
vel ab ipsa Hydrargyri minera , vel ab  
eorum vitæ genere nati , sunt præcipue  
*Tremor artuum* , *Salivatio* , *Tussis* , *Asthma* ,  
*Dysenteria* , *Febris intermittens* , *Vermes in-*  
*testinorum* ; quos seorsim describere , &  
explicare conabor

### TREMOR ARTUUM:

Est alterna , involuntaria , frequens  
musculorum voluntatis imperio subdito-  
rum agitatio , ab interrupto liquidi ner-  
vosi & arteriosi in eorum organa influ-  
xu producta . Supponit itaque impedi-  
tum liberum illud commercium cere-  
brum inter & fibras musculares , quo  
posito , anima subjectos sibi musculos a-  
pte regere ac moderari non potest.

Tale impedimentum ponit unicum ;  
volatile factum hydrargyrum , humori-

H

bus

bus nostris immixtum, absque ullo alterius causæ satellitio. Mirum fane, addidet fornacibus sanissimus homo, vel certis in locis intra Fodinas operatur, et subito tremulum, debilem, absque ullo humorum dispendio, sine ullo solidis illato damno. BORELLUS perspicax hanc causam non adgnovit, hanc unam omisit in Opere incomparabili *de morbo animalium*; sed etiam Medicorum sapientissimi uno ore fatentur, tremorem artuum a binis hisce causis, vasorum nempe inanitione, aut valida sensorii communis irritatione, pendere: quarum tamen neutra in tremore hominum nostrorum locum obtinet. Solum ergo Hydrargyrum, in minimas particulas ab igne divulsum, & liquidis nostris immixtum, potens est superadditas musculorum vires ita frangere, ut morbus ille

le



le oriatur. Difficile ecquidem, imò prorsus impossibile videri poterit, calore graduum sexaginta, ad quem aer in his Fodinis raro devenit, Hydrargyrum ita posse attenuari, ut per aera dispergi queat; verumtamen novit Natura, longo temporis spatio, idem prorsus efficere, quod ignis noster intra paucas horas absolvit. Cujus rei exemplum dant CrySTALLUS montana, Quartzum crySTALLISATUM adamantina fere duritie, Cinnaberis nativa, Metalla nuda &c.

Quid ego sibi vult PITCARNIUS affirmans, mercurium agere sola sua gravitate, qua facit, ut sanguini immixtum plus momenti suscipiat, & impetum majorem exerceat? Si enim adeo impeteret sanguinem nostrum, certe calor, febris, & hinc pendentia symptomata plura apparerent, cum tamen contrarium

accidat, lassitudo videlicet, debilitas, inertia, languor. Ego certe neminem hactenus observavi, qui vel minimum caloris sani augmentum expertus esset eo tempore, quo ejus membra agitabat susceptum venis Hydrargyrum. Vidi miseros, qui ambabus manibus firmiter arreptum vitrum aqua plenum priusquam labiis admovissent, excussisse penitus contentum liquidum, ut nec cibum, nec potum capere potuerint soli, sed puerorum adinstar a domesticis enutrirı debuerint. Vidi quoque adeo debiles, ut propriis pedibus insistere cupientes, in terram protinus laberentur, tota die propterea sedentes jacentesve. Interim tamen pulsus a naturali statu minime mutatus erat, evidenti argumento, haud læsas fuisse illas condiciones, quæ perfectæ vitæ requisita celeritate humores agunt



gunt per vasa sua. Sed neque aliæ actiones viscerum mutatae apparuerunt, solo excepto appetitu, qui languet eousque, donec voluntariorum motuum instrumenta debitam firmitatem adepta, imperio animæ facile obediant. Attamen & pulsus in valde tremulis multo tardior observatur, imo & sæpe debilior, languidæ vitæ indubium argumentum.

Illud vero consideratione dignum arbitror, quod caloris naturalis decrementum, hoc durante languore, hac præfente pulsuum tarditate, nullum prorsus appareat; quod tamen consequi necessum esset, si motu sanguinis quomolibet impedito, minor partium fluidarum inter sese, & ad solida attritus, indeque frigus necessario oriretur. Certe Thermometrum corporibus hisce sæpius applicatum, nec minimum quidem fri-

goris augmentum exhibet, neque idem ægri sensus, aut urina demonstrat. Ergo frigus non a solo attritu deficiente dependet, neque a solo fluidorum motu diminuto.

Sed quærent nonnulli, quare hydragyrum animales, non vero vitales actiones impediat, & quare id efficiat intacto sanguine, sero, lymphæ, & cæteris humoribus. Respondebo ad hæc quæsitæ, ubi novero vim Torpedinis nervis adversam, cantharidum vesicæ, contagii venerei, variolosi, pestilentialis, miram certe & singularem efficaciam, in hisce illisve humoribus afficiendis, mutandis, destruendis. *An ergo argenti vivi efficacia a communibus omnium corporum proprietatibus pendet? An non potius singulari ejus naturæ, per experimenta sola cognoscenda, hæc attribui debet? Sufficit interim*

*Medi-*



*Medico novisse, quid agat argentum vivum humano corpori applicatum, licet modum, quo agat, ignoraverit. Ill. L. B. VANSVVIETEN in Comment. ad BOER. p. 135.*

Non in omnibus Fodinæ locis, ubi minera mercurialis eruitur, Fossiores nostros artuum tremor adoritur, sed ibi duntaxat, ubi major hydrargyri nudi copia, odor ingratus, aer minus renovatus, æstuosusque observatur. Talibus in locis, sudore facile diffluunt, debiles statim segnesque redduntur, & absque valetudinis detrimento, per triduum ibidem esse non possunt. Loci calor insuetus, & lampadis flamma minor, malignam aeris naturam ostendit, quam Germanice *das Schlimme lufft* Nostri solent denotare. Ipsemet sudore totus perfusus eram, & aliqua anxietate detentus, dum per horæ quadrantem tali in lo-

co moratus essem. Hæc aeris ambientis indoles, bibula vasa, per aream pulmonum, & corporis superficiem distributa, ita dilatat, ut noxios halitus facilius excipiant. Idem æstus arcti loci, fluida dissipando, intolerabilem sæpe sitim inducit, quam ecquidem extinguere assiduo potu conantur, sed simul etiam tenaci faucium mucositate hydrargyri particulas ventriculo excipiunt, unde abolitus appetitus, & tremor artuum eo facilius enascitur.

Curam hujus morbi, modo sola natura propriis viribus usa, modo vero adjuvata medicamentis, exequitur. Sola aeris liberioris ulura sæpe remedio est, multosque sine Medicina, hoc uno auxilio perductos vidi ad sanitatem. Sunt tamen quidam morosiores, qui malunt tædia morbi ferre, quam pharmaca sumere,



mere ; licet AUGUSTÆ DOMINÆ subditorum bonis perpetuo addicta liberalitas , miseris hisce gratis omnia , morborum curationibus necessaria , concesserit . Sunt etiam non pauci , qui liberæ pecuniæ dura necessitate coacti , etsi debiles & tremuli , attamen Fodinas frequentare , suaque antra repetere , non desinunt , donec viribus exhausti domum transferantur . Caveant itaque Rectores horum hominum , ne læsi jam & tremuli insalubribus Fodinæ locis addicantur , vel sani etiam diutius , quam par est , ibidem relinquantur . Hæc una regula observata potens est Operarios hosce a morbis præservare , inutiles abolere sumptus , gentisque nostræ felicitatem diu ac multum promovere .

Hinc Ars Naturam imitata , impactum nervis Hydrargyrum , per loca

con-

convenientia , congruis auxiliis eliminans, optimam medendi rationem instituit. Inter hæc præcipuum locum obtinent sudorifera , perpetuo salubria , si modo ægri ab acribus abstineant, & debitum regimen sedulo observent. Soleo ego Quajaci decoctum tenue dare , de in mixtura quadam aromatica cochlearim ingesta, sudorem elicere per unam, vel plures horas, prout morbi conditio, aut ægri vires exigunt. Decoctum vero copiosum esse debet, ita ut ternæ libræ singulis diebus ebibantur; nam alias arida ista corpora repetitis sudationibus ita enervantur , ut dein absque necessitate a consuetis laboribus diu abstinere coacta sint. Balnea quoque conveniunt, quæ ante aliquot annos bene introducta , nescio qua de causa , nunc omnino neglecta sunt. Audivi ab expertis ,

&



& dignis omni fide Viris, vivum hydrargyrum in ligneis vasis fuisse reperi-  
tum, in quibus balneum ab iis fuerat  
institutum.

Minus tamen feliciter sudoriferis cu-  
ra peragitur, si æger de appetitu pro-  
strato, aut alvi insolita inflatione con-  
queritur. Subest enim tunc in primis  
viis sordida quædam suburra, quæ nisi  
educatur, humores inficit, aliisque mor-  
bis viam facilem sternit. Sed pulvis ille  
etiam, qui a lapidibus cuneo malleoque  
diffractis, in arctis Fodinæ locis, ubique  
diffunditur, cum cibo & potu mixtus  
& ventriculo exceptus, mirum sæpe in  
modum gravat intestina. Purgantia ita-  
que in his casibus necessario requirun-  
tur, & quidem lenia, rhebarbarina vi-  
delicet, mannata, senæ folia, tamarin-  
di, aliaque similia; drastica enim, sali-  
na

na, resinosa non conducunt, nec sicca adeo, quam humida. Si vero oris amarities, nausea, ructus, foetor oris, ventriculi distentio, dolorque pressivus, vomitoria requirant, radix Ipecacuanæ tutissimum præbet auxilium; econtra vero acriora, mineralia, minus satisfacere, expertus affirmo, ob faciles in hisce corporibus hypercatharces.

Ita Juvenes & Viri indubie sanantur, Senes vero non item, qui tremuli ad mortem usque, & baculo innixi, miseram vitam degunt.

### SALIVATIO.

Est involuntarius, assiduus, plus minusve copiosus, salivæ ex ore effluxus, ab aucta ejusdem separatione productus.

Observatur in secundo stadio variolarum confluentium in adultis, *non mul-*

*tum*



*tum cedens illi, quæ ope mercurii excitatur, nisi quod non ita male oleat.* SYDENHAM. *Seçt. 3. Cap. 3. in illis, qui densis & copiosis laboraverunt aphthis, postquam hæc deciderunt.* Ill. L. B. VAN-SVVIETEN in *Comment. ad BOERH. §. 662. & 998. in dentium eruptione ante vomitum.* HIPPOCRAT. *Coac. prænot. Seçt. 3. v. 228. ex ulcere faucium.* HOFFMAN. *Cons. Med. Tom. I. Seçt. 2. cas. 612. ab acribus linguæ applicatis, ab acri sero in glandulis salivalibus deposito.* de GORTER. *de Transp. Cap. 15. Num. VI. 8. in angina.* BOERHAV. *aph. 805.*

Sed hæc omnia agunt irritando, stimulando, & dilatando vasa salivalia, unde major humorum adfluxus, eorumque secretio. An simili modo salivationem excitat Hydrargyrum? Sic ego puto; immixtum enim calenti sanguini  
fani

fani corporis, quaquaversum diffunditur; magis attenuatur, ibique fertur potissimum, ubi frigidi datur liber accessus aeris. Talis locus, excipulo Chymico similis, est cavitas oris, ab aere per arctas labiorum rimas vi valida adacto, magis frigefacta, ac corporis superficies, aliunde rigidioribus vasis instructa, quæ adfluentia liquida difficiliter admittunt.

Nisus hic assiduus, quo ductus salivales urget Hydrargyrum, eos dilatat magis, unde major adfluxus, distentio, vicinorum compressio, ex qua tumores, & ulcera sæpe oriuntur.

MAZINUS globulos hydrargyri, circa glandulas salivales aggestos, polygonam figuram acquirere, sicque auctis superficiebus salivationem facere, opinatus est. Sed quis unquam Chymicorum vidit hydrargyrum sic figuratum? quis  
chy-



chymica phænomena ibidem adducta infelicius explicavit? Doleo jacturam temporis in iis scribendis imprimendis-  
que. Qui salivatione laborant, nunquam aut raro tremuli apparent; magis autem illi, quibus dicta salivatio non contingerit.

Dentium doloribus obnoxii, phthyalismo facilius corripuntur, ut & illi qui reliquas corporis partes minime infirmas habent. Quæ enim pars debilior, eadem facilius ab Hydrargyro afficitur; sic difficulter audientes, omnino surdos, balbutientes, aphonos, oculorum vero debilitate laborantes, integra cæcitate correptos, observavi.

Malum hoc eos facile adoritur, qui tempore destillationis terreas retortas forte hiantes luto obducere solent. Ni enim probe caveant, expirantes halitus  
subi-

subito excipiunt, tuncque subdulcem aliquem saporem in ore sentiunt, dein salivam crassam expuunt, modo flavescentem, modo vero subnigram; mox sequitur lassitudo, debilitas, & somnolentia, quod symptoma ab hydrargyro læsa corpora indubie demonstrat. Hic accedit foetor oris idem, qui e minera exusta exhalat, tumor gingivarum, dentium præcipue molarium vacillatio, denudatio, nigredo. Interna pars genarum, & in malo graviore ipsorum quoque labiorum, in tumores albos adsurgit, saliva uberius excernitur, non multum olida, quam miseri expuere sæpe coguntur. Nonnullis dolores dentium, maxillarum, capitis, nocturno tempore graviores, accedunt, ipsaque linguæ superficies nigerrimo colore tincta se prodit. Fauces sæpe pallidiores, appetitus

abo-



abolitus aut diminutus, sitis assidua, tristis animus, artuum debilitas & languor adsunt. Durant hæc incommoda per sex, septem, pluresve dies, donec debitis remediis, aut aeris liberioris usura, sensim dispareant.

Eadem mala longe frequentius atque citius eos affligunt, qui pulverem atrum, *die Stuppe* dictum, a destillatione residuum, e caminis & fornacibus auerunt, aut pedibus nudis argillæ immixtum in lateres effingunt. Magnum quoque iis imminet periculum, qui caput mortuum, aut pulverem prædictum e fornacibus nondum probe frigefactis educunt, quod probe cavendum est. Præstaret etiam, me iudice, pulverem illum, quem maxima parte sterilis fuligo constituit, probe ablutum, depuratum, siccum, & calce viva commix-

I                      tum,

tum, cum minera denuo miscere, & ita noviter igni committere, quam noxia illa trituratione, tot hominum valetudinem magno Augusti Ærarii damno labefactare.

Methodum medendi, quod attinet, illud probe cavendum est, ne emeticis, purgantibus, aut sudoriferis, critica hæc hydrargyri per glandulas salivales excretio ullo modo turbetur. Vidi enim a cathartico semel adhibito alvi tormina, cum periculo inflammationis, enata, quæ, restituta salivatione, cessarunt. Experientia itaque multiplici edoctus affirmo, morbum hunc non aliter esse tractandum, quam illa methodo, qua ad aphthas persanandas usus est experientissimus Medicus *Vincentius* KETELLER in eximio Tractatu *de Aphthis Belgarum*, ubi pravam illam per cathartica



ca medendi rationem, rejiciens, *caveat* (inquit) *medicus, sibi que ac agro temperet, ne hunc hostem exhibitis temere catharicis laceſſat, nam galeatum ſero duelli pœnitet.* Quamobrem nullis aliis remediis, ad hunc morbum, uti ſoleo, quam molli gargarifmate, ex hordei decocto, cum pauco melle, quo os ſæpius foveri jubeo, ad acrimoniam demulcendam, & vaſcula ſalivalia probe aperta ſervanda; cavendo interea ab acribus fermentatiſque potionibus, cum bibuli a mercurio longe magis lædi ſoleant, ac illi, qui temperanter & ſobrie vivunt.

### TUSSIS.

Eſt morbus adeo notus, & adeo frequens, ut definitione non egeat. Ejus cauſæ hic hætenus obſervatæ ſunt, 1. Pulvis e lapidum fragmentis, eorumque

acervis intra Fodinas undequaque diffusus. Si enim vitrum aqua plenum in tali loco posueris, superficiem ejusdem densa cuticula, brevi tempore, obductam cernes, toties renaturam, quoties illam deterferis. Subtilitas ejus illa est, ut, teste DIEMERBROEKIO, bubulas quoque vesicas, in Lapidæ officina pendentes, permeare potuerit. 2. Alterna caloris & frigoris vicissitudo, quæ hominum nostrorum corpora perpetuo laceffit, dum ex imis calidisque fodinæ latebris quotidie exeuntes, male tecta & sudantia membra frigido aeri toties exponunt, vel ex hypocaustis æstuosissimis in aerem frigidissimum pluries se conferunt. 3. Mineræ fumus pulmonibus exceptus, de quo, in Capitulo de *Asthmate*, plura dicemus.

Tussis per se raro periculosa; si tamen



men negligatur, repetitis agitationibus pulmonem ita debilitat, ut sanguinis eruptiones, & Phthises quoque oriantur. Ita *Cappadox* ARÆTEUS, inter causas Phthiseos pulmonalis Tussim quoque diuturnam numeravit; & CÆLIUS AURELIANUS eundem morbum non raro antecedere docuit *longi temporis tussiculam, sive catharrhum, quo thoracis altiora lacerantur.*

Quamobrem sæpe monendi sunt homines intra fodinas, ut, si lenta lapidum revolutione pulverulentæ nubes coerceri non possunt, saltem linteis ori, & naso alligatis, noxium pulverem arceant. Proderit etiam loca eadem aqua sæpius adspargere, ut pulvis ita coercitus minus avolet, & dispergatur. Hyemalis autem ædium æstus difficilior emendabitur; nam parvitas

tuguriorum, angusta ferens depressaque cubilia, & jam recepta consuetudo cibos & panem in fornacibus excoquendi, debitam aeris temperiem non admittunt. His accedit malorum maximum tristis egestas, imo sæpe & incuria, quæ negat vestes aptas arcendo frigori, vel ab illo non cavet tenella corpora. Nudis pedibus, soloque indusio tecti, per medias nives ambulant sæpe pueruli, nec horridos flatus aquilonis timet hirsutum adulti pectus. Scythas tamen hosce validos quatit sæpius acre gelu, & aeris adeo varia, adeo noxia conditio. Hinc passim tussientes, anhelosi, miseri, ad primi frigoris initia, vagantur, medicam opem implorantes. Dantur his copiosa, calida decocta specierum pectoralium, donec crassum sputum prodiens de morbo devicto triumphum

ca-



canat. Sanguine turgidis, vino deditis, difficulter respirantibus, ad arcendos alios morbos, vena secatur. Tussim siccam, assiduam, fere suffocantem, lenit opium caute datum, & vapor aquæ ebullientis per infundibulum ore sæpius exceptus. Inter hoc cavendum ab acribus, frigidis, & vini potu; solisque carniū jusculis, oryza, & molli lacte, alendus æger.

## ASTHMA.

Est difficilis, & anhelosa respiratio, a spastica vesicularum pulmonalium constrictione producta.

Qui fornacibus nostris addicti sunt, hoc morbo facile corripī solent, si ab iis recedentes, in hospitium sese conferant, ibique vinum copiosius ingurgitent. Mirum enim in modum fumus

exustæ nineræ nostræ illa corpora potissimum agitat, quæ Baccho litandi pessimam consuetudinem habent. Norunt hoc omnes, & tamen aliqui malunt potius inebriari, quam sobrie vivere; pcena olim hisce Helluonibus a ROMULO indicta propterea dignissimi.

Morbum hunc, præter illa symptomata, quæ superius in capite de salivatione protulimus, antecedunt quoque tussis, spastica pectoris constriction, & molesta veluti ponderis ibi hærentis sensatio; comitantur tussis assidua, vehemens, noctu potissimum exacerbata, somnus inquietus, somnia terrifica, artuum in lecto calentium mira agitatio, ac si hominem inde vellet exturbare, animus præter morem tristis, respiratio diffi ilis, appetitus diminutus, calores nocturni, fauces aridæ, sputum nullum:

mor-



morbo ingravescente, respiratio est difficillima, tussis fere suffocans, dolor punctorius modo hanc, modo illam thoracis partem affligit, in quo stadio emissus sanguis crassus, & crusta inflammatoria rectus plerumque se prodit. Misera morbi hæc conditio indubiam ægro mortem adfert, & subitam suffocationem, ut sequens docet observatio.

Vir ann. 40. temperamenti biliosi, vino & fumo tabacci deditus, cum per aliquot annos his fornacibus adstitisset, tandem tussi sicca, & difficili respiratione corripitur; his succedunt dolores pungitivi, hanc illamve pectoris plagam vexantes, lassitudo, debilitas, aliaque symptomata superius memorata. Ita vixit per aliquot menses, donec omnibus auxiliis frustra adhibitis, inter tussien-

dum

dum, præcluso spiritu, suffocatus fuit.

In aperto cadavere apparuit pulmo contractus, pallidus, vicinisque partibus ubique connexus. In dextro tamen latere, & septo transverso firmitus adhærebat, minus autem anticæ pectoris parti, pericardio, lateri sinistro. Vinculum illud efficiebat fabrica cellulosa, fibrarumque fasciculi, tendineæ fere naturæ, a pleura in pulmonum superficiem pluribus in locis propagati. Interior pulmonum substantia maculis innumeris, atris, lentiformibus, modo solitariis, modo vero congestis, mirum in modum variegata se prodidit. Cor naturaliter erat constitutum a pericardio liberum, & polyposis concrementis destitutum. Nullum quoque in visceribus abdominis vitium apparuit, hepate excepto, qui multo pallidior erat, cæterum naturalis.

En



En itaque mortem a pravis halitibus  
e minera hac exusta exhalantibus. En  
sulphuris efficaciam in coagulandis hu-  
moribus humani corporis. En denique  
adnatos pleuræ pulmones, absque præ-  
via inflammatione, soloque spasmō par-  
tium nervosarum destructis vasis illis,  
quæ in caveam thoracis assiduum ro-  
rem exhalant.

Hos effectus attribuunt quidam Hy-  
drargyro in igne volatili, male tamen,  
vis enim hæc fluida coagulans, vasaque  
constringens, soli sulphuri propria est.  
Novi nobilem Juvenem, qui eum locum  
ingressus, ubi ante trimestre sulphur ex-  
coctum fuerat, ibique per horæ qua-  
drantem moratus esset, in difficilem re-  
spirationem & raucedinem incidit, ido-  
neis postea auxiliis liberatum. De Viro  
quodam etiam meminit *III. L. B. VAN SVVIE-*

TEN *in Commentar. ad pag. 824.* quidam a sodalibus juberetur, ut aperto ingentis dolii, sulphuris vapore pleni, spiraculo olfaceret, tota vita asthmaticus mansit; nam ut optime advertit Poeta,

*Tangit & afflata sulphuris aura rosas.*

Sapienter itaque Veteres, ut meminit PLINIUS, eorum facies vesicis obvelabant: *illigasne faciem* (verba sunt PLINII) *laxis vesicis, ne in respirando exitialem pulverem trahas.* Neque dubito, nostris quoque temporibus id maxime profuturum, si fossiores nostri fornacibus addicti, vitreis larvis vultus suos obtegerent, quemadmodum in Fodinis Arsenici id usitatum fuisse retulit KIRCHERUS *in Libro sexto Mundi Subterranei*, & ex eo HENKELIUS *in Tractatu*, cui titulus, *die Hatten Raze.*

Si



Si vero vapor hic infensus, pulmonibus jam fuerit exceptus, proderit eo ipso momento spiritum salis ammoniaci naribus applicare; pulchro enim experimento demonstravit cl. HOFFMANNUS, in *Observ. Chym. Lib. 2. Obs. 9.* ex fumis liquoris acidi & alkalini inter se concurrentibus, valde curiosam effervescentiæ speciem in aere nasci, unde patet: *Varii generis effluvia, occursum invicem facto facile alterari & immutari posse, adeo ut quæ naturæ animantium summe hostilia fuerunt, mixtione cum aliis, innoxia reddi queant.* An non etiam conveniret vivam calcem addere mineræ, quæ acidum sulphuris magis absorbeat? certe minera, cum debita calcis vivæ copia commixta, e vitrea retorta hydrargyrum purum præbet absque adeo copiosis, adeo noxiis effluviis.

Hinc

Hinc vero læsa corpora mire solantur mollia decocta malvæ, consolidæ majoris, papaveris; succi saponacei cicchorei, lactucæ, taraxaci; lac recens aqua dilutum; vapor aquæ ebullientis ore sæpius exceptus; opium denique, & ex eo parata quæcumque, prudenti tamen dosi data.

### DYSENTERIA:

*Quando Diarrhæa accedunt molesta tormina, & tenesmus frequens deponendi alvum, cum dolore satis acri, tunc solet Dysenteria vocari. Ill. L. B. VAN-SVVIETEN in Comment. ad p. 721. seu, juxta HIPPOCRATEM, difficultas intestinorum, quam semper comitatur frequens dejiciendi cupiditas, CELS. Lib. 4. Cap. 15. intestinorum depressio, SYDENHAM Sect. 4. Cap. 3. seu molestissimus omnium quasi viscerum descensus,*



*sus, M. R. HOFFMAN IV. Cap. 7. p. 8.*

Morbus hic, Plebi huic valde familiaris, ingreditur plerumque sub initium Augusti, & circa finem Septembris fugam quærit. Pueros potissimum adori-  
tur, & homines tenerioris texturæ. Antecedunt eum rigor, lassitudo, debilitas, alvus præter morem libera, dolores intestinorum, appetitus abolitus. Comitantur spasmi frequentes, summo cum dolore circa umbilici regionem intestinalia valide constringentes, ac si manu, aut prælo quodam stringerentur; hunc sequuntur dejectiones mucosæ, plerumque cruentæ, foetidæ, debilitantes, cum pulsu celeri & debili, calore noctu invalescente. In omnibus autem, quos hactenus observavi, molesta illa & dolorifica depressio intestinorum, frequentem desidendi cupiditatem efficiens, semper  
ad-

adfuit, adeo atrox, ut de morbo interrogati nihil aliud respondeant, quam omnia sibi in abdomine deorsum premi. Durant hæc per octo, decem, & quindecim quoque dies, quibus elapsis, dolores minuuntur, dejectiones rariores, decolores, ac nullæ denique apparent, flatus per inferiora secedunt, qui certum valetudinis redeuntis signum constituunt.

Vulgaris opinio est, morbum hunc a fructibus horæis, qui ex agro Vipacensi in hanc urbem deferuntur, suam originem, trahere, eandemque causam Dysenteriae, in aliis quoque locis, seniores Medici passim accusant. Ego vero, (pace eorum dicam) firmiter persuasum habeo, Viris hisce aut fructuum horæorum vires, aut naturam Dysenteriae minus esse perspectam. Saponacei enim,  
leni-



leniterque acescentes eorum succi, ad debitam maturitatem perducti, & debita copia assumpti, mira pollent efficacia sanguinis æstum, & putridam humorum acrimoniam corrigendi, quæ a calido æstatis aere nata, pluribus morbis viam parat. Sapidissimi & uberrimi Italiæ fructus, quam mire conservant, recreant, humectant arida corpora! quam præstans eorum usus in febribus, quæ maligna labe solvunt in putridum tabum liquida nostra! Quis ab iis clam assumptis felices eventus in acutis, subitasque crises numerabit? Ut ideo exuere nos oporteat præjudicia, & in Generis Humani damnum male assumptas opiniones. Vidi natas Dysenterias absque fructibus horæis, & nullas denuo vidi in iis annis, in quibus dives hisce Naturæ donis terra ubique ridebat. Fa-

teor ecquidem immaturos, aut nimia copia assumptos, indubie nocere; sed rerum abusus non tollit usum, nec unius fructus insolens acrimonia infamiam reliquis adferre debet.

Egregie itaque, pro more, magnus SYDENHAMIUS morbum hunc a propria quadam aeris constitutione produci, & febrim esse docuit, sui scilicet generis, in intestina introversam, *cujus ope humores calidi, atque acres, in massa sanguinea contenti, atque eandem exagitantes, per arterias meseraicas in dictas partes deponuntur.*

Hanc humorum metastasim hic loci promovent potissimum tunc temporis aura frigidior, corporibus ex labore æstuantibus, quotidie applicata, unde etiam circa vetis ingressum genitam Dyfenteriam observavit SYDENHAMIUS. Eodem



dem modo pueri in frigidis aquis sæpe natantes, morbum hunc sibi facile comparant. Eidem quoque favent intemperans usus fructuum horæorum, quos adhuc acerbos in hortis furtiva manu colligunt, aut venales coemunt magna copia. His accedit prava illa, & ab egestate inducta consuetudo, Brassicæ folia ruditer dissecta & lardo condita in quotidianum fere cibum assumendi, quam putridæ sordes, & spontaneæ humorum corruptiones pressio pede sequuntur. Sed etiam panis ille rudis, absque debita fermentatione & coctione sæpe paratus, idemque mucore non raro infectus, Dysentericæ producendæ apprime par est, cum milites in castris Dysenterias putridissimas ex eadem una causa toties fuerint experti; acris est enim, & vere infamis ille pulvis, quem mucoris ca-

pitula diffilientia diffundunt, ut Generis hujus cum Lycopèrdis adfinitas clare docet.

Medici officium erit itaque, ut hujus morbi fomes, nempe stimulus acrimonia, idoneis auxiliis quantocyus educatur, corrigaturque. Conveniunt ergo emetica ex radice Ipecacuanæ in principio morbi data, & si opus fuerit, etiam repetita; ea tamen conditione, ut absoluta operatione paregoricum adhibeatur, ex consilio SYDENHAMII. Rhebarbarina quoque profunt sæpius usurpata, licet non semper necessaria sint. Ad corrigendam acrimoniam juvat potus assiduus ex molli malvæ decocto, lac recens cum triplo aquæ mixtum, aliaque similia. Pro cibo detur milium, aut oryza in lacte cocta, & ni fœces nimium fœteant, etiam carnis tenue brodium.



dium. Potus, quo ego utor, est aqua hordei cum paucò lacte, & in virium defectu, aut Dysenteriis putridioribus, vinum generosum, sextuplo aquæ mixtum. Morbo declinante, & acri penitus expulso, adstringentia locum habent. Utor ego pulvere LYTHRI *feliis oppositis lanceolatis, floribus spicatis dodecaedris*. LIN. *Spec. plant.* p. 446. FL. CARNIOL. *nostræ* pag. 577. juxta methodum Cl. de HAEN. *Rat. Med.* P. 3. Cap. 5. Venam in hisce hominibus raro fecavi, cum ingens dolor non adesset, neque ulla inflammationis signa apparerent. Clysteres emollientes, oleosi, therebinthinati profunt etiam, præsertim si vis morbi in rectum intestinum decumbens, assiduam desidendi cupiditatem efficiat.

## FEBRIS INTERMITTENS:

Nonnulla quoque annotanda sunt de febribus intermittentibus, quæ homines nostros, vere, & autumno, sæpissime invadunt. Plerumque tertianæ sunt, raro quartanæ, rarissime anomalæ. Vilioribus, viscidis, farinaceis cibis saturatos, debiles, biliosos, inordinate viventes de plebe juvenes & viros sæpius affligunt, rarius autem illos, qui corpora sua cibis melioribus norunt enutrire. Quo aquæ fontium a pluviis uberioribus magis turbantur, eo febres frequentiores, magisque difficiles, majorque copia sedimenti lateritii in urinis apparet. Omnes unanimiter de oris amaritie conqueruntur, plerumque foetidos ructus emittunt, cum nausea, & vomitione. Vernæ febres, de more benignæ, post  
septi-



septimum paroxysmum sponte sæpe solvuntur ; autumnales vero non item , quæ usque ad Farfaræ florentiam obstinate persistunt. Juvenibus, acri sanguine turgidis , sub finem paroxysmi , verno tempore potissimum, bullæ quædam , tenui sero plenæ, in cortice corporis ubique elewantur , post copiosum sudorem denuo evanescentes. Terrentur ignari eruptionibus istis , quæ tamen , præter febris paroxysmum validiorem , nihil mali post se trahunt . Omnium pertinacissimæ sunt illæ quartanæ , quæ Operarios hosce affligunt , cujus rei causa partim est eorum impatentia, debita medicamenta detrectans, partim vero omnibus morbis , ut ait CELsus, obnoxia infirmitas. Quibusdam autumno, post febres diuturniores, aut harum recidivas , hydrops supervenit , cu-

ratu difficilis, nec raro lethalis. Aliqui, præsertim biliosi, post septimum paroxysmum, icterici fiunt, quos congrua remedia, aut novæ febris accessus, facile liberant. Emetica, etiam repetita, hic omnino necessaria sunt, quibus omis-  
sis, omnia frustra adhibentur. Incredibile est enim, quam mirum in modum horum hominum viscera cruditatibus sæpe graventur, & quam ingens copia lumbricorum in eorum lateat intestinis. Cum etenim modum nesciant, quo debita alimenta propriis viribus apta sobrie prudenterque distribuunt, sed modo intra diem omnia voraci dente pessundent, modo vero dura necessitate coacti famem tolerant; ita fieri non potest, quin prava hac vivendi consuetudine, putridas fordes congerant, quæ frequentem illum emeticorum usum requirunt.

Hinc



Hinc publicæ utilitati consultum sane foret, si popularia illa convivia, prodigalitates, compotationes, indicta lege, penitus abolerentur, ne duris laboribus ea redimere cogantur homines, quæ intra unicam diem epulando perdiderunt, unde sumptus, salaria, ægrorum numerus, quotidie augentur, majorque semper in com-  
moda ægrotantium pecunię copia erogatur. Sordida hæc primarum viarum conditio, & humorum cacochymia, Phleboto-  
miam in his febribus nunquam exigit; nisi forte in juvenibus vino deditis, sanguine turgidis, ex humorum rarescen-  
tia majora mala metuenda sint. Cor-  
tex Peruvianus non eadem semper suc-  
cessus felicitate in hisce hominibus ad-  
hibetur, quod partim ab ægrorum mo-  
rositate, partim vero ab ipsa febris na-  
tura dependet. Sæpius tamen æger in  
cul-

culpa est, dum corticis amaritiae deter-  
 ritus præscriptam copiam non assu-  
 mit, vel febris depulsa, ad solitum vi-  
 tæ genus mox denuo revertitur. Sunt  
 tamen & febres sæpe ita refractariæ, ut  
 cortice sopitæ, brevi denuo recurrant,  
 ægra corpora summopere fatigantes.  
 Hisce in casibus, ea methodus raro fal-  
 lit, qua usu salium mediorum, & de-  
 cocti cujusdam aromatici, tribus ante  
 paroxysmum horis, per binos tresve dies  
 apyreticos sudor elicitur, quo uno gla-  
 dio febris, & viscerum infarctus sæpe-  
 numero trucidantur. Sed etiam extra  
 necessitatem sudores promovendi, infi-  
 gnem utique salium mediorum in feбри-  
 bus intermittentibus utilitatem nunquam  
 satis prædicabo; cum ad solvenda hy-  
 pochondriorum lenta coagula, viscidam-  
 que saburram e medio tollendam, nihil

cer-



certe efficacius dari possit : Atque hæc de febribus intermittentibus dicta sint satis .

### VERMES.

Lumbricos intestinorum nullibi plures aut frequentiores reperiri , quam in hisce Operariis , firmiter persuasum habeo . Nullas ætas reperitur , & nullus est sexus , qui iisdem non laboret . Symptomata eosdem comitantia , sunt tormina intestinorum post cibum assumptum , foetidus odor ex ore prodiens , narium pruritus , ventris inflatio , pallor faciei , molesta æsophagi titillatio cum nausea & irritato vomendi conatu , ciborum fastidium , ipsique vermes per os aut alvum prodeuntes .

Vulgaris opinio est , lumbricos intestinorum ex ovis insectorum cum cibo  
& po-

& potu assumptis, suam originem ducere, quod ipsum celebres quoque Medici in suis scriptis tradiderunt. Qui vero insectorum genesim, eorumque historiam probe mecum considerat, hic facile perspiciet, a veri tramite eos multum aberrasse, qui talia scribere voluerunt. Nam quodlibet insectum definitum gradum caloris, certum temporis spatium, locum, & quietem exigit, ut ex ovo aut puppa nasci, e larva in puppam transire, debitamque formam acquirere possit. Sed quænam quies dabitur in intestinis assiduo motu agitatis? quinam locus ibidem ab ingestis, totque humoribus irrigatus? ubi calor ille debitus? Quænam vero sunt illa insecta, quæ in rebus alendo idoneis sua ova deponunt? an muscæ? sed quomodo ejus larva crescere, in puppam mutari, quiescere,



escere, foveri poterit in cavo ventriculi & intestinorum? Sed demus omnia: an ergo ex Muscæ puppa Lumbricus? quare non etiam ex ovo Phalænæ Simia? Sed tædet amplius de hisce loqui.

Arbitror itaque lumbricos intestinorum a vulgaribus terræ lumbricis suam originem ducere: docet hoc communis utriusque fabrica, habitatio, vita, fecunditas, & communia utrique venena. Ex horum itaque ovulis, ubique locorum terræ immixtis, cum aqua assumptis, & ventriculo exceptis, lumbrici in intestinali tubo oriuntur, quoties viscido spontaneo retenta, corruptisque succis ibi fuerint enutrita. Tales causas ponunt cruda alimenta in spontaneas corruptiones, apud Homines nostros, facillime degenerantia, dictisque animalibus aptissimum nidum efficientia. Vi-

de

de mecum consentientem inter alios  
*Cl. de QUARIN* in *Erudito Tractatu de*  
*Insectorum noxis & utilitatibus* ; *Cap. 2.*  
*§. 32.*

Quisquis igitur hos incolas humani corporis depellere tentat, imprimis efficere debet, ut densum illud gluten, quo parietibus intestinorum pertinaciter adhærent, inde sensim separetur, quo facto vermes facili labore ex ano aut ore pelluntur. Ea itaque adhibere necesse est, quæ valido stimulo peristalticum intestinorum motum adaugent, quo mucus ille ab eorum tunicis abraditur, & separatur. Talia sunt omnia salina, amaricantia, purgantia validiora, & mercurialia probe parata & caute data. Dico præparata; nudum enim hydrargyrum quomodolibet assumptum nihil efficit, lumbricos non de-



destruit, eorum nidum non dissolvit, sed immutatum elabitur ex intestinis. Qui ergo mercurium pro certo quodam antihelmentico, BARASAVOLA duce, deprædicant, proponunt illi, me iudice, rem illam, quam vel ipsi non sunt experti, vel casu natam adscribere dato huic remedio, cum tamen ab aliis causis orta fuerit. Hæ sunt præcipuæ ægritudines, quæ Fossore Idrienses potissimum adfligunt, licet dentur & aliæ, quæ apud alias quoque gentes observantur. Tales sunt *Rheumata*, *Hæmorrhagiæ*, *Phthyses*, *Dolores articulorum*, *Diarrhææ*, aliique morbi, quos seorsim explicare instituti nostri ratio non concessit. Id unum tamen consideratione dignum arbitror, quod apud nostros inflammatorii & acuti morbi longe rarius occurrant, quam aliis in locis, cujus

rei

rei causa in victu illo antiphlogistico,  
ex vegetabilibus plerumque petito, pro-  
culdubio consistit; & forte aliquid et-  
iam præstat Hydrargyrum, impetus hu-  
morum & coagula impediens, ut ex  
dictis clare patet.

**F I N I S**





